

Oqaaseqaatit nalinginnaasut

1. Aallaqqaasiut

Sanaartornermi neqerooruteqartitsisarneq suliariumannittussarsiuussinermut inatsimmi 1992-imeersumi, Inatsisartut inatsisaanni nr. 3-mi, 6. april 1992-imeersumi maleruagassiuunneqarpoq. Suliariumannittussarsiuussisarnermut inatsit neqerooruteqartitsisarnernut tamanut atuupput, taamaattumillu aamma sanatitsisut namminersortut entreprenørillu neqerooruteqartitsisarnerannut atuulluni. Suliariumannittussarsiuussinissamut inatsit arlalinnik neqerooruteqartitsinikkut neqeroorutitik unammisitsinissamut pisussaaffiliinngilaq. Aamma suliariumannittussarsiuussisarnermut inatsit tamanik suliaqarnissamut neqerooruteqartitsisarnermut (§ 4 pinnagu) atuutinngilaq, tamanik suliaqarnissamut neqeroorutit akitigut assersuunneqarsinnaanngimmata.

Suliariumannittussarsiuussisarnermut inatsit sanaartugassat suliariumannittussarsiuunneqartarnissaannut piumasaqaatinik imaqqanngilaq. Inatsit taamaallaat suliat ingerlasarnerinut inatsisaavoq, suliariumannittussarsiuussinissaq toqqarneqartillugu suliariumannittussarsiuussinerni periaasissanut maleruagassiorfiusoq.

Naalackersuisut piffissamut qinigaaffiusumut 2005 – 2009-mut suleqatigiinnissamut isumaqatigiissutaanni allassimavoq, Naalackersuisut suliariumannittussarsiuussisarnermut inatsisip iluarsaanneqarnissaata aallartinneqarnissaa pisariaqartikkaat, taakkunungalugu piumasaqaatisaq ilinniartitaanernut tunngassuteqartoq ilaavoq.

Inatsisissatut siunnersuummi uani siunissami sanaartornermi neqerooruteqartitsisarinnissamut killissarititaasussat maleruagassiuunneqarput.

Inatsimmi tunngavissat, sanatitsisup pisortat suliaasaataannut neqerooruteqartitsinermi isiginiartagassai pingaernerit pineqarput.

Inatsit pisortat sanaartugassaannut aamma pisortanit tapiiffigineqartumik sanaartugassanut atuutissaaq. Kiisalu neqerooruteqartitsisut namminersortut inatsimmik malinninnissamut pisussaatinneqassanngillat. Suliffeqarfiit namminersortut suliaqaqarfinni allani nunaniluunniit allani ataatsimut isigalugit neqerooruteqartitsisarnermut maleruagassanut ilaatinneqanngillat. Tamanna inatsisitigut inissisimanermut maanna atuuttumut allannguineruvoq, tassami suliariumannittussarsiuussisarnermut inatsimmi atuuttumi maleruagassat sanatitsisunut pisortanut namminersortunulluunniit, suliakkiissutissap neqerooruteqartitsivigineqartussap annertussusa apeqqutaatinnagu atuuttussaapput. Siunnersuummili neqerooruteqartitsisut namminersortut maleruagassanik siunnersuutigineqartunik malinninnissaq toqqarsinnaassagaat eqqarsaatigineqarpoq.

Taamaaliornikkut sanaartornermi neqerooruteqartitsitsisarnermut isumaqatigiissusiortarnermullu maleruagassanik ataatsimoortunik peqaannarnissamut kissaateqarneq naammassineqassaaq.

Pisortat sanaartugassaataannut maleruagassanik atuuttussanik pisariaqartitsineq sanaartortitsisut namminersortut niuernerinnarmik tunngaveqarlutik isumaqatigiissusiorfissaminnik toqqaasartut, pisortanit aningaasalersorneqartunik sanaartornermi tamatuma eqqumaffigineqar-

nissaata pisariaqartinneqannginneranik tunngaveqartutut isigineqassaaq, pisortani oqartussaat nalinginnaasumik inuiaqatigiinni eqqarsaatigisassat amerlasuut eqqarsaatigisartussaammattigit.

Neqerooruteqartitseriaatsinut inatsisissatut siunnersuummi atorneqartunut suleriaatsit ilisimaneqartut tunngavigineqarput. Taamaakkaluartorli isumaqatiginninniartarnernut suleqateqartarnernullu oqaaseqaatit matuma kingulianiittut innersuussutigineqarput.

Inatsit aamma suliaassanik tamanik suliaqarnermut, sanaartugassanik pilersaarusionermik suliarinninnermillu ilaqartinneqartunut atuuttussaavoq.

Tunngaviatigut sanaartugassanut isumaqatigiissusiornissamik neqerooruteqartitsinermit tamanut ammasumik imaluunniit killilimmik suliariumannittussarsiuussisoqassaaq.

Suliaassamik tunniussinermit “appasinnerpaamik akeqartitsineq” imaluunniit “aningaasaqarnikkut iluanaarnarnerpaaq” tunngavigineqassaaq. Taanna suliariumannittussarsiuussisarnermut inatsimmi aalajangersakkanut naleqqiullugu annertusititsineruvoq. Siunnersuummi neqerooruteqartitsisup aki kisiat eqqarsaatiginagu, aammattaaq pitsaassutsinut kusanartuliornernullu tunngatillugu unamilleqatigiinnermik pilersitsinissamik kissaateqarnera eqqarsaatigineqarpoq.

Suliariumannittussarsiuussisarnermut inatsimmi atuuttumi appasinnerpaamik neqerooruteqartut saniatigut allanut isumaqatiginninniarsinnaatitaanermik inerteqquteqarneq taamaallaat “appasinnerpaamik akeqartitsineq” tunngavigalugu suliaassamik tunniussisoqassapat atorneqassaaq. Kisiannili suliaassamik tunniussinissamut “aningaasaqarnikkut iluanaarnarnerpaaq” tunngavigineqarsimappat, neqerooruteqartunut isumaqatiginninniarsinnaatitaanermik ammaassisoqarpoq.

Isumaqatiginninniarsinnaatitaanermi neqerooruteqartitsisup niuerfimmi neqeroorummik pitsaanerpaamik pissarsinnaaneranut periarfissaq qulakkeerneqassaaq. Maleruagassat ullumikkut atuuttut naapertorlugit neqerooruteqartoq assersuutigalugu tassangaannartumik sipaaqquneqarnini pissutigalugu appasinnerpaamik akeqartitsiniarluni neqerooruteqartumut akit pillugit isumaqatiginninniartariaqalerpat, neqerooruteqartitsisoq taamaallaat pitsaassusissatut pilersaarutaasup piginnarnissaannut killeqartuinnarmik periarfissaqartinneqarpoq.

Inuussutissarsiutinik ingerlatsivinni, isumaqatiginninniarnissamut inerteqquteqarfiunngitsuni allani imaluunniit suliaassanik tamaginnik suliaqarnissamut isumaqatigiissuteqarfiullutik suliarineqartuni misilittakkat malillugit isumaqatiginninniarsinnaatitaanermi neqeroorutitik piviusorsiorutunik uppernartunillu angusaqarsinnaaneq akornusersimaneqanngilaq.

Tunniussinissamulli “appasinnerpaamik akeqartitsinissaq” tunngavigineqarpat, neqerooruteqartitsisoq appasinnerpaamik neqerooruteqartut saniatigut allanut isumaqatiginninniarsinnaatitaassanngilaq. Sanatitsisoq “aningaasaqarnikkut iluanaarnarnerpaamik neqerooruteqarnermik” tunngaveqarluni neqerooruteqartitsinermini, pisuni ataasiakkaani pitsaanerpaamik angusaqarsinnaaneq nalilerneqarpat siumoortumik isumaqatiginninniarsinnaatitaanissaminik atorunnaasitsinnaavoq.

Paasiuminarnerulersitsineq ataatsimut isigalugu neqerooruteqartunut siunissami neqerooruteqartarnermi salliutinneqartalernissamut periarfissiigaluartoq, pisortat sanaartugassanut isumaqatigiissusiortarnerini tamat niuernerup ingerlanneqartarnerinut paasisimasaqalernissaat,

aammalu attuumassuteqanngitsunik isumagisaqartannginnissap qulakkeerneqarnissaa kissa-
tineqarpoq. Taamaattumik suliariumannittussarsiuussisarnermi inatsimmi maleruagassat
atuuttut ingerlateqqinneqarnissaat siunnersuutigineqarpoq, taamaalilluni neqerooruteqartut
neqeroorutit ammarneqarnerini najuunnissamut pisinnaatitaaffeqaannassammata, aammalu
neqeroorutit aningaasartaannik nalornissutaasinnaasunillu paasisaqarsinnaassallutik. Sanatit-
sisut namminersortut suleriaatsiminnik ingerlatsiinnarnissamik kissaateqartut aamma sule-
riaatsit taakku malinnissaat toqqarsinnaavaat.

Aamma siunnersuut neqerooruteqartitsisup neqerooruteqartitseriaatsimik neqerooruteqartitsi-
nerullu piareersarneqarnissaanik toqqaanermi periarfissamik, unammilleqatigiinnerup naam-
maginartumik ingerlanneqarnissaanut qulakkeeriffiusunik atuinissamut pisussaaffeqarneranut
aalajangersakkamik imaqarpoq.

Kiisalu neqerooruteqartumik toqqaanermi tunngavissat, aningaasaqarnikkut teknikkikkullu
piginnaasassanut tunngasut piviusorsortut immikkoortitsiviunngitsullu tunngavigineqartar-
nissaat siunnersuutigineqarpoq.

Inuiaqatigiinni pissutsit tunngavigalugit naliliinissaq tunngavigalugu isumalluutissat pitsaa-
sumik atorneqarnissaat qulakkeerniarlugu, aammalu neqerooruteqartup suliassamik tiguisinis-
samik qulakkeeriffineqarani piffissamut sivisoorsuarmut isumalluutissamik atuisariaqarnis-
saat pinngitsoorniarlugu, uppersaanissamut piffissarititaasup pisariaqanngitsumik sivisu-
tineqannginnissaanut maleruagassamik siunnersuuteqartoqarpoq. Neqerooruteqartitsiner-
mi piumasagaat taamaattoq neqeroorutitik pilerinarnerusunik saqqummiussinissamut orniginar-
nerutinneqarsinnaavoq.

Sanaartornermi suleqataasunut malitassamik ersarissunik pilersitsisoqarnissaa, suleqataasunut
tamanut iluaqutissatut isigineqartariaqarpoq. Taamaattumik namminersorluni sanaartornissa-
mut neqerooruteqartut aamma inatsimmi aalajangersakkamik tamakkiisumik ilaannaasumil-
luunniit malinninnissamut neriorsuuteqartarnissaat siunnersuutigineqarpoq. Tamatuminnga
nalunaaruteqarneq assersuutigalugu neqerooruteqartitsiniarluni allagarsiussaq aqutigalugu,
imaluunniit neqerooruteqartunut neqerooruteqarnissamut kajumissaarneqartunut toqqaannar-
tumik saaffiginninnikkut pisinnaavoq.

Inatsisissatut siunnersuutigineqartup atuutsilernissaanut piffissaq sivisusariaqanngilaq. Neqe-
rooruteqartitsisut ullumikkut suliariumannittussarsiuussisarnermi periaatsinik ilisimaneqartu-
nik atuinissamik kissaateqartut taamaaliorinnaapput. Akerlianik inatsimmi suliariumannittus-
sarsiuussisarnermut nassuiaatit ima eqaatsigilerput, allaat assersuutigalugu suleqatigiittoqar-
niartillugu sulereqatigeeriaatsinik nutaanik atuinissaq periarfissaqartinneqarluni.

Suleqatigiinnermi siusissukkut sanaartugassap aalajangersimasup ingerlaqqinnerani atuuttus-
sangortinneqartussamik suleqatigiinnissamut isumaqatigiissusiornissaq siunertarlugu u-
nammilleqatigiinnerup kingorna siunnersortit entreprenørillu toqqartorneqarsinnaanissaat a-
nguniarneqartassaaq. Suleqatigiinnermi suliassamik taamaattumik tiguisoqartillugu suliassap
sukumiisumik nassiuiaasiorneqarsimasannginnera, taamaattumillu nalinginnaasumik akigiti-
tassatut atuuttussamik neqerooruteqarsimasannginnera nalinginnaasuvoq. Tamanna pissuti-
galugu aatsaat “aningaasaqarnikkut iluanaarnarnerpaamik neqerooruteqarnissaq” tunngaviga-
lugu suliassamik tunniussisoqartussaattillugu suleqatigiinnissaq aatsaat atorneqarsinnaasarpoq,
taakkunanilu akinut tunngavissat tamakkiisut suliassamut ataatsimut atuuttussamik akeqartit-
sarnermit allaanerusumik tunngaveqartinneqarsinnaasarput, soorlu “akigititassatut angunia-
gaq” (target price), akit annerpaaffissaat (missingersuutinut atuuttussanngortinneqartussamik

killiliinermi), ataasiakkaanut akit, nalunaaquttap akunneranut akit assigisaallu tassani pineqarlutik.

Inatsisissatut siunnersuut malillugu kommuninit Namminersornerullutik Oqartussani aamma sanatitsisuni Namminersornerullutik Oqartussanit tapiiffiqineqartuni suleriaatsit malinneqasapput.

Suliariumannittussarsiuussisarnernut inatsit atuuttoq malillugu kommunit neqerooruteqartitsinerminni suleriaasissanik aalajangersimasunik malitaqarnissamut pisussaataaareerput. Suliariumannittussarsiuussisarnernut inatsimmi peqqussutit arlallit inatsit manna atorlugu oqinnerulersinneqarput.

Tassalu siunissami aamma sanaartugassanut minnernut isumaqatigiissutit, suliaqartinniakkaniq ilisimatitsereerluni neqerooruteqartitineqartut siunissami unammilleqatigiiffiunissaanut periarfissanik pitsaanerusunik pilersitsisoqarpoq.

2. Inatsisartut inatsisissaattut siunnersuummi immikkoortut pingaarnert:

2.1. Inatsisip atuuffissai

Inatsit pisortat sanaartugassanut isumaqatigiissutaannut imaluunniit sanaartugassanut pisortanit tapiiffiqineqartunut atuutissaaq.

Namminersortut sanaartornerisa neqerooruteqartarnermut inatsimmut ilanngunneqannginnissaa siunnersuutigineqarpoq. Suliassa qarfinni allani nunaniluunniit allani suliffeqarfiit namminersortut ataatsimut isigalugit neqerooruteqartitsisarnernut maleruagassanut ilaatinneqanngillat.

Naalakkersuisut isumaat malillugu suliassa qarfiit namminersortut siunissami sanaartornermut isumaqatigiissusiortussanngortillutik neqerooruteqartarnermut maleruagassat isumassarsiorfigisassavaat.

Sullissisut unammilleqatigiinnermut inatsisitigut tunngavissarititaasut ataqippatsigit, niuernerup iluani sanaartorneq pitsanngortinneqassaaq. Tamatumunnga atatillugu erseqqissaatigineqassaaq, neqerooruteqartitsisarnerni neqerooruteqartarnermut inatsimmi pisussaaffilerneqartussat kisimik tassaammata *neqerooruteqartitsisut*. Neqerooruteqartut inatsimmik malinnissamik pisussaataaangillat.

2.2. Pitsaassutsimik unammilleqatigiinnermi isumaqatiginninniarsinnaatitaaneq

Neqerooruteqartitsinermut atatillugu isumalluutiniq atuinissaaq, suliariumannittussarsiuussinerminni aningaasaqarnikkut iluanaarnarnerpaaq tunngavigineqartillugu isumaqatiginninniartigineqartussat amerlanerpaaffilerneqarnerisigut annertunerpaaffilerneqassaaq. Tassalu pingasut ikinnerusulluunniit kisimik isumaqatiginninniartigineqarsinnaanissaat, aammalu isumaqatiginninniartigineqartussanik toqqaanermi neqerooruteqartitsinermut uppernarsaanissamut piffissarititaasut suulluunniit atuutinneqaraluarpata neqerooruteqartut qaaqqunneqanngitsut neqeroorumminnik atuisinnaajunnaarsinneqartarnissaat siunnersuutigineqarpoq. Annertunerpaaffiliinikkut suliariumannittussarsiuussinerpiamut atatillugu unammilleqatigiinneq nukittortinneqartussaavoq, neqerooruteqartut aatsaat pitsaanerpaat pingasut akornanniikkunik isumaqatiginninniarnissamut qaaqqunneqartartussaammata. Aamma isumaqatiginninniartussat pingasu-

nut killilerneqarnerat unammillernerup pitsaasumik ingerlanneqarnissaata qulakkeerneqarnisaanut naammattussaavoq. Piffissami suliariumannittussarsiuussiffiusumi unammilleqatigiinnerup annertunerulerneratigut, tassalu sanatitsisup siunissami isumaqatiginninniarfigisassaasa "pingasuinnangortinneqarnerisigut" (pitsaanerpaat) unammilleqatigiinnissamut killiliissutaasut illuatungilerneqartussaapput. Tamatuma saniatigut neqerooruteqartut isumaqatiginninniarnernut qaaqquneqanngitsut ingerlannartumik neqeroorumminnut pisussaaitaajunnaartarnerisigut, taamaalillutillu suliaakkiissutip inaarutaasumik tunniunneqarnissaata tungaanut isumalluutissanik piareersimatitsisarunnaarnerisigut isumalluutinik atuinissaq annikillisinneqartussaavoq.

Aamma neqerooruteqartitsisut siunissami maleruagassat malillugit neqerooruteqartut tamaasa ullumikkut pisartutut isumaqatiginninniarfigisarunnaartussaagamikkit isumalluutissanik sipaagaqartussaapput.

2.3. Suliaqartinniakkat ilisimatereerlugit neqeroortitsisarnermut maleruagassat

Pisortani imaluunniit pisortanit tapiiffigineqarlutik neqerooruteqartitsisut suliaqartinniakkat ilisimatereerlugit neqerooruteqartitsinerminni neqeroortitatik sisammerniarunikku, neqerooruteqartinniagaq najukkami najugaqartuussaangilaq. Taassuma atuutilerana ilaatigut unammilleqatigiinnermik pitsaanerulersitsisussaavoq, ilaatigullu neqerooruteqartitsisup aatsaat suliasamut aalajangersimasumut unammilleqatigiissitsineq eqqarsaatigalugu tamanna pisariaqartutut isumaqarfigippagu atorneqarsinnaassalluni.

Neqerooruteqartitsisup neqerooruteqartinniakkani sisammerniarlugit pisinnaatitaaffimminik atuisinnaanini sillimaffiginaruniuk, tamanna siumoortumik ilisimatitsissutigissavaa.

Suliaqartinniakkat ilisimatereerlugit neqerooruteqartitsinissamut killissarititaasoq 3 mio. koruuninut aalajangerneqarpoq. Tamanna illuatungeriinnut isumalluutinik sipaaruteqarfiusinnaavoq. Neeqerooruteqartitsisut neqerooruteqartitsinissamut tunngavissanik nassuiaasorsorluakkanik suliaqassanngillat. Aamma neqerooruteqartut isumalluutinik sipaagaqarsinnaassapput, matuma siuliani oqaatigineqartutut suliaqartinniakkat ilisimatereerlugit neqerooruteqartinneqartussat amerlanerpaamik sisamat sinnernagit amerlassuseqartussaammata, kiisalu killilimmik suliariumannittussarsiuussinermi neqerooruteqartut ikinnerpaamik tallimat neqerooruteqartinneqarnissaat tunngavusussaalluni.

Killissarititaasup 3 mio. koruuninut aalajangerneqarneratigut maleruagassap neqerooruteqartut assigiinngitsorujussuit, assigiinngitsorujussuarnik misilittagallit niuerfimmi misilerarneqarnissaannut atuunnissaa eqqarsaatigineqarpoq, aammalu sanatitsisunut misilittagakinnerusunut sanaartornermi unammilleqatigiinnerup pitsaasuunnissaa, suliariumannittussarsiuussinermilu neqerooruteqartitsinerup neqerooruteqarnissamut tunngavissat ersarissumik nassuiarneqarsimasut malillugit ingerlanissaa eqqarsaatigineqarluni.

Aningaasanut killissarititaasut pisortanit imaluunniit pisortanit tapiiffigineqartumik sanatitsisunut pingaarnernut namminersortunut atuutinngilaq, naak siunnersuummi § 1, imm. 2, nr. 3 naapertorlugu taakku inatsimmi matumani ilaatinneqaraluartut. Neqerooruteqartitsisulli taakku suliaqartinniakkat ilisimatereerlugit neqerooruteqartinneqartussat amerlanerpaaffissaannik malinnittussaapput, taamaattumillu ullumikkut amerlanerpaaffissatut atuutsinneqartunik aamma malinnittussaallutik.

2.4. Paasiuminarnerutitsineq

2.4.1. Suliariumannittussarsiuussinert toqqaannartumik neqerooruteqartitsiviusut

Suliariumannittussarsiuussinernut toqqaannartumik neqerooruteqartitsiviusunut atatillugu neqerooruteqartitsisup neqerooruteqarnissamut kaammattuinermini, neqerooruteqartinniakkat amerlanerpaamik qassiussanersut ilisimatitsissutigissavaa.

2.4.2 Tunngavissani immikkoortunik nalilersuineq

Neqerooruteqartitsisup ataatsimoorlutik nalilersuinermini sapinngisamik tunngavissani immikkoortut allassavaat. Taamatut iliorluni tunngavissani immikkoortut nalilersornissaat ajornarpat, neqerooruteqartitsisup tunngavissani immikkoortut tulleriiaarlugit allassavai. Maleruagassap taassuma paasiuminarnerulersinneqarneratigut neqeroorutit akornanni naleqquttumik piviusorsioortumillu toqqaasoqarsimanersoq pitsaanerusumik misissorneqarsinnaalissaaq. Tamatuma saniatigut sanatitsisup piginnaaneri immikkut ittut piumanera neqerooruteqartup ajornannginnerusumik nalilersinnaalissavaa, taamaattumillu neqerooruteqassanarluni paasisinnaassallugu.

2.4.3. Isumaqaatiginninniarnermi tunngavilersuutit pitsaanerusut

Paasiuminassuseq tunngavilersuinissamut maleruagassanut piumasaqaatinik aalajangersaanikkut nukittortinneqassaaq.

Suliariumannittussarsiuussinernut atatillugu tunniussinissamut aningaasaqarnikkut iluanaarnerpaamik tunngaveqarluni isumaqaatiginninniarnert ingerlanneqartillugit, neqerooruteqartitsisup qaaqquneqanngitsunut isumaqaatiginninniarnifigineqareersunut neqeroorutit ajugaasup piginnaasaanik iluaqutissartaanillu tunngasunik paasissutissiilluni qaaqquneqannginnerannut tunngavilersuinissaq ingerlaannartumik pisussaaffigilissavaa.

2.5. Neqerooruteqartitsisarnernut Maalaaruteqartarfik

Neqerooruteqartitsisarnernut Maalaaruteqartarfimmik Naalakkersuisut pilersitsisinnaassasut inatsimmi siunnersuutigineqarpoq. Maalaaruteqartarfimmik taamaattumik pilersitsinissami suliatigut piginnaasat pisariaqartinneqartut, eqqartuussivittut ilusiligaallutik neqerooruteqartitsisarnermi suliat teknikkimut tunngasortaannik pisariusunik aalajangiisinnaasut katersorneqarnissaat siunertarineqarpoq.

Neqerooruteqartitsisarnernut Maalaaruteqartarfimmi eqqartuussivittut ilusiligaasumik pilersitsinikkut eqqartuussivinnut nalinginnaasunut suliakkiisinnaaneq mattunneqassanngilaq, kisiannili neqerooruteqartup neqerooruteqartitsisullu akornanni aaqqiagiinnginnerit aningaasaqarnermut isumaqartut piffissap naammagartup iluani aqqinniarneqarnissaannut sulianik ilisimasaqarluartunut katersuuffeqarnissaq periarfissinneqassalluni.

3. Pisortanut aningaasaqarnikkut allaffissornikkullu sunniutissat:

Suliariumannittussarsiuussisarnermi inatsimmi neqerooruteqartunik arlalinnik isumaqaatiginniniartarnermut (§ 3, imm. 3) inerteqquteqarnerup, aammalu suliaqartinniakkat ilisimatereerlugit neqeroortinneqartut amerlanerpaaffilerneqarnerinik (§ 5, imm. 1) atorunnaarsitsinikkut pisortat sanaartugassaataannut isumaqatigiissusiornissamut unammilleqatigiinneq sipaaruteqarnermik kinguneqarsinnaasumik annertusitinneqartussaavoq.

Kommunit sanaartugassaataannut isumaqatigiissusiortarnermi Namminersornerullutik Oqartussanut maleruagassat assinginik atuutsitsisarnissamik siunnersuut unammilleqatigiinnermut

iluaqutaasussaavoq, kommunit suliassanut annertuunut suliaqartinniakkat ilisimatereerlugit neqeroortitsisinnaanerata tunngaviatigut killilersorneqalersussaammat. Suliassanili tapiiffiqineqartuni pisortat neqerooruteqartitsisarnerannut maleruagassat ullumikkut kommuninit malinneqareerput. Kiisalu maleruagassat ilaatigut siunnersuutigineqartut neqerooruteqartunut allanut isumaqatiginninniarsinnaatitaanermut tunngatillugu maleruagassanit, suliariumannitussarsiuussisarnermut inatsit malillugu ullumikkut kommuninit malinneqartussanit eqaannerupput.

4. Inuussutissarsiornermut aningaasaqarnikkut allaffissornikkullu sunniutissat:

Maleruagassani siunnersuutigineqartuni inuussutissarsiornermi pisortat sanaartugassaataannut isumaqatigiissusiornissamut unammilleqatigiinnerup nalingiinnerusumik, inuiaqatigiinnilu isumalluutit naapertuunnerusumik atorneqarnissaannut iluaqutaasumik ingerlalnissaa qulakkeerneqassaaq.

Suliakkiissummik tunniussinermi akit tunngavigineqaannartarnerisa oqimaaqutaanerata peerneqarnerani, aammalu “aningaasaqarnikkut iluanaarnarnerpaamik neqerooruteqartumut” tunniussinissamut tunngavissamik pilersitsinikkut eqaannerulersitsinermi sanaartornerup iluani naammassisaqarsinnaassutsikkut pitsaassutsikkullu ineriartortitsinissamut tunngavissiisoqassaaq.

Suliaqartinniakkat ilisimatereerlugit neqeroortitsisarnermi neqeroortinneqartussat marluunissaannik piunasaqaatip atorunnaarsinneqarneratigut unammillernerup annertunerulernissaa akillu appasinnerulernissaat naatsorsuutigineqarpoq. Tamatuma saniatigut sanatitsisup suliariumannitussarsiuussinermi appasinnerusumik akeqartitsiniarluni neqerooruteqartup saniatigut allanut isumaqatiginninniarnissaanut inerteqquteqarnerup atorunnaarsinneqarnera inuiaqatigiit aningaasaqarnerannut iluanaarutissartaqassaaq.

Inatsisissatut siunnersuutip atuutilerneratigut sulinermit maleruagassat ataatsimoortut, annertuumik siammarneqarnerminni imminermi aaqqiagiinnigittarnernut annikillisaataasussat atuutilertussaapput.

Kiisalu sanatitsisut allaffissornikkut suliaat tamatumuunakkut annikillisinneqassapput, suliffeqarfiit atuisullu tunngaviatigut neqerooruteqartarnermut maleruagassanut ilaatinneqartussaangimmata.

5. Innuttaasunut aningaasaqarnikkut allaffissornikkullu sunniutissat:

Suliariumannitussarsiuussisarnermut inatsisip atorunnaarneratigut innuttaasut sanaartugassanut suliaqartinniakkat ilisimatereerlugit neqerooruteqartitsisarnerminni neqerooruteqartinniakkat marluinnaasarunnaarnissaat angussavaat.

6. Avatangiisinut pinngortitamullu sunniutissat:

Siunnersuut avatangiisinut sunniuteqarnerluttussatut nalilerneqanngilaq. “Aningaasaqarnikkut iluanaarnarnerpaamik neqerooruteqarnissamut” naapertorlugu tunniussinissamut tunngavissat eqaannerulersinneqarnerini akit pillugit unammillernerinnaat saniatigut periarfissat allat ammaaneqassapput, tamatumunngalu atatillugu sanatitsisoq sananerup nalaani imaluunniit sanaartukkap atuunnerani avatangiisit illersorneqarnissaannut siunnersuummik pitsaanerpaamik neqerooruteqarsinnaasumik pissarsiniarsinnaalissaaq.

7. Pissutsit Naalagaaffeqatigiinnermut namminersulernissamullu tunngassuteqartut:

Siunnersuutit pissutsinut Naalagaaffeqatigiinnermut namminersulernissamullu tunngassuteqartunut sunniuteqarnissaa naatsorsuutigineqanngilaq.

8. Tusarniaaneq:

Siunnersuut ukununga tusarniaassutigineqarpoq: A/S Inissiaatileqatigiiffik INI, Greenland Venture A/S, Kalaallit Nunaanni Sulisitsisisut Peqatigiiffiat, Ilik, Iserit A/S, KANUKOKA, Unammilleqatigiinnermut Ataatsimiititaliaq, Mittarfeqarfiit, Nukissiorfiit, NUSUKA, Aaqquisuusseqqinnermut Ataatsimiititaliaq, TSP – Teknikkimut tunngassuteqartunut siunnersortit peqatigiiffiat, Aningaasaqarnermut Nunanullu Allanut Naalackersuisoqarfik, Inuussutissarsiornermut, Suliffeqarnermut Inuussutissarsiuinullu Ilinniartitaanernut Naalackersuisoqarfik, Aalisarnermut, Piniarnermut Nunalerinermullu Naalackersuisoqarfik, Kultureqarnermut, Ilinniartitaanernut, Iisimatusarnermut Ilageeqarnermullu Naalackersuisoqarfik, Ilaqutariinnermut Peqqissutsimullu Naalackersuisoqarfik, Inuussutissarsiornermut Siunnersuisoqatigiit, Naalackersuisunut siulittaasup Naalackersuisoqarfia, Aatsitassanut Pisortaqarfik aamma Nunanut Allanut Naalackersuisoqarfik.

9. Tusarniaanermi akissuteqartut:

Tusarniaanermi akissuteqartuupput...

Tusarniaanermi akissuteqaatit imaattunik tunngavissiipput:

Inatsisissatut siunnersuummi aalajangersakkanut ataasiakkaanut oqaaseqaatit

Kapitali 1-imut

Kapitalimi inatsisip atuuffissai aalajangersarneqarput.

§ 1-imut

Imm. 1

Inatsit sanaartugassanik suliaqarnermut imaluunniit pilersaarusiornertalimmik suliaqarnermut atuuttuuvoq.

Suliarinneriaatsit tamarmik inatsimmut ilaatinneqarput: suliaqarnermut immikkoortiterlugit/suliasanik angisuunik suliarineqarnerit, suliasanik pingaarnernik suliaqarnerit, suliasanik tamaginnik suliaqarnerit (tassanilu entreprenørinut isumaqatigiissummut pilersaarusiornissamut siunnersorneqarneq ilaavoq) aamma suleqatigiilluni suliaqarnermut isumaqatigiissutit.

Siunnersorneqarnissaannarmut tunngasunik sanatitsisut isumaqatigiissusiortarnerat neqerooruteqartarnermut inatsimmut ilaatinneqanngilaq.

Siunnersuinerit immik sanatitsisut isumaqatigiissusiortarnerat neqerooruteqartarnermut inatsimmut ilaatinneqanngilaq.

Oqaaseq neqerooruteqartitsisarneq taamaallaat inatsisip neqeroorutinut neqerooqquneqartup kajumissaarneqarnera tunngavigalugu tiguneqartunut atuunneranik isumaqarpoq. Kajumissaarineq neqerooruteqartussanut ataasiakkaanut toqqaannartumik imaluunniit aalajangersimasuunngitsunut tusagassiuutigut kajumissaarinerusinnaavoq, tak. § 3, imm. 1-3.

Inatsit kajumissaarinertaqanngitsumik neqeroorutinut atuutinnilaq, tassanili inatsisip suliaqartinniakkanik ilisimatereerlugit neqeroortitsinerit maleruagassat, pisortani neqeroorutinik tigusisartut taamatut kajumissaarinertaqanngitsumik neqerooruteqartoqartarnissaannut eqqarsaateqartarnissaannut apeqqutaatinneqassapput.

Neqeroorutit inatsimmi aalajangersakkat naapertorlugit pissarsiarineqartartussat tassaassapput sanaartugassanut suliaqarnermut imaluunniit pilersaarutitalerlugu suliaqarnermut neqeroorutit.

Imm. 2

Imm. 2 naapertorlugu inatsit taamaallaat pisortat sanaartornerannut imaluunniit pisortanit tapiiffiqineqartumik sanaartornermut atuutissaaq.

Nr. 1

Inatsimmi Namminersornerullutik Oqartussat, ingerlatseqatigiiffiit Namminersornerullutik Oqartussat aalajangiisarnikkut sunniuteqarfigisaat aammalu kommunini oqartussaasut, kiisalu pisortanut inatsisip tunngavigalugit sullissiviit oqartussaasullu taamaattut suleqatigiiffiit aamma/imaluunniit pisortanut inatsisip tunngavigalugit sullissiviit.

Aalajangiisarnikkut sunniuteqarsinnaaneq pisarpoq, inuk imaluunniit suliffeqarfik aningaasaatit 50%-ii sinnerlugit piginnittuugaangat, imaluunniit suliffeqarfimmi taasisinnaatitaanerit 50%-ii pigineqaraangata.

Aalajangiisarnikkut sunniuteqarsinnaaneq tassaavoq, suliffeqarfimmi naatsorsuutinik saq-qummiussisartumi aalajangiisoqarnissaanut naalakkiisinnaaneq. Aalajangiisarnikkut sunniuteqarnissaanermi isumagineqartoq tassaavoq, suliffeqarfimmi taasisinnaatitaanerit affaat sinnerlugit pigisaqarnikkut toqqaannartumik imaluunniit suliffeqarfiutigisaaq aqputigalugu toqqaannangitsumik piginnittuuneq.

Aamma aalajangiisarnikkut sunniuteqarsinnaaneq tassaasinnaavoq, taasisinnaatitaaneq aqputigalugu annertuumik sunniuteqartarneq, imaluunniit malittarisassat isumaqatigiissulluunniit aqputigalugit aqutsisut aningaasaqarnermut ingerlatsinermullu tunngasunik aalajangiinissaanut aqutsinissamut piginnaatinneqarneq.

Nakkutilliisarnerpiamut (aalajangiisarnikkut sunniuteqarnermut) aalajangersagaq malillugu pissutsit ingerlatseqatigiiffimmi piginneqataasunut tunngasut toqqaannartumik naliliiffigineqartarnerat apeqqutaavoq, tassungalu aktiaatillit akornanni aktiaatit siammarsimanagerat, aalajangiisarnikkullu sunniuteqartoqarsinnaanersoq ilaapput. Piginneqataassutsit, taasisinnaatitaanerit tamarmiusut 50%-ii inorlugit annertussuseqartut qanorluunniit pisoqarnerani aalajangiisarnikkut sunniuteqarsinnaanermik kinguneqartussaapput, aammalu aalajangiisarnikkut sunniisnaanermut ammut killissarititaasumik tamanut atuuttussamik aalajangersaanissaq ajornarpoq.

Nr. 2

Nr. 2 malillugu neqerooruteqartitsisoq suliassanik pisortanit tapiiffigineqartunik neqerooruteqartitsippat, inatsit sulisitsisunut allanut atuutissaq. Aalajangersagaq taamaallaat sulianut tapiiffigineqartunut aalajangersimasunut tunngasuvoq.

Inatsit neqerooruteqartitsisunut, sanaartugassanik pisortanit tapiiffigineqartunik tapiissutit annertussusaat apeqqutaatinnagu neqerooruteqartitsisunut (imaluunniit suliakkiissuteqartunut) tamanut atuutissaq.

Inissiaatillit nalinginnaasut nassuiaammut tassunga ilaatinneqarput, taamaattumillu malerua-gassanik malinnittussaallutik.

Tassalu suliffeqarfiit namminersortut, Inatsisartut aningaasanut inatsisaat imaluunniit illoqarfimmi siunnersuisoqatigiit assigisaasaluunniit aalajangiinerisigut pisortanit tapiiffigineqartut ilaatinneqarput. Tamatumani tapiissutit taamaattut taamaallaat sanaartukkamut tapiiffigineqartumut sunniuteqartussaapput, assersuutigalugu ingerlatsinermut tapiissutinut pinnatik.

Imm. 3

Piginneqatigiilluni inissiaatit, sanatitsisunit namminersortunit sananeqartut aningaasalersorneqartullu, tamatumalu kingorna piginneqatigiilluni inissiaatillit peqatigiiffiannut tunniunneqartut, kiisalu namminersorluni inissialiat, Inatsisartut aningaasanut inatsisaanni oqaasertaliussat naapertorlugit, soorlu 10/40/50-imut aaqqissuussineq, sanaartugassamut aningaasartuutissat tamakkiisut aningaasalersornissaannut procentinngorlugu agguassinissamik innersuusiviusoq (10%-it qinnuteqartup aningaasaliiffigissavai, 40% .it Namminersorerullutik Kommunillu akunnerminni avillugit taarsigassarsiaritissavaat aamma 50%-it qinnuteqartup realkreddittimit imaluunniit aningaaserivimmit taarsigassarsiarissavai) malillugu taarsigassarsinis-

samik neriorsuuteqarfigineqartut inatsisinut ilaatinneqannginnerat aalajangersakkami erseqqissarneqarpoq.

Inissiap atorneqalernissaa akuerineqarpat, aammalu qinnuteqartoq qularnaveeqqusiussaqarluni taarsigassarsinermit allagartamik nalunaarsorsimasumik takutitsisinnaalerpat aatsaat pisortat taarsigassarsiarititassaata tunniunneqassapput. Tassalu sanaartornerup nalaani aningaasartuutissat tamaasa qinnuteqartup nammineerluni akilissavai.

Pigineqatigiilluni inissiat sanatitsisumit namminersortumit sananeqartut tassaapput, “inissiat sanatitsisumit namminersortumit, soorlu inissialortiternermi aningaasaateqarfimmit sananeqartut, aammalu inissiat naammassineqarneranni pigineqatigiilluni inissiatillit peqatigiiffiannut pilersinneqarsimasumut tunniunneqartut”.

Imm. 3, nr. 1-imi ilaatitsinnginnermut tunngavilersuutigineqartoq tassaavoq, piffissap sanaartorfiusup nalaani sanaartukkamut aningaasalersuinnermut, tassungalu ilanngullugu sanaartukkap ernialersorneqarneranut sanatitsisup namminersortup aningaasaateqarfiusinnaasup, ingerlatseqatigiiffiusinnaasup imaluunniit inuinaasinnaasup nammineerluinnarluni isumaginnittusaaanera. Tassalu tassani pineqartut tassaapput sanatitsisut namminersortut, sanaartugassap aallartinnginnerani sanaartukkap pigineqatigiilluni inissiatillit peqatigiiffiannut pilersinneqarsimasumut inuinnarnulluunniit tunniussinermit aningaasalersorneqarnissaanut qularnaveeqqusiillutik taarsigassarsinermit allagartamik taaneqartartunik pissarsisimasut. Nunap Karsiata sanaartukkap aningaasalersorneqarneranut aningaasaliissutissai siusinnerpaamik sanaartukkap tunniunneqarnerani tunineqarneraniluunniit tunniunneqassapput.

Imm. 4

Inatsit imaluunniit tassunga maleruagassatut taaneqartut sukumiinerusut sanaartugassap suliaqarneranut tunniunneqarnerani tunngavineqassasoq neqerooruteqartitsisup erseqqissumik nalunaarutigisimappagu inatsit atuutissaaq.

Neqerooruteqartitsisup inatsimmut ilaatinneqannginnermini inatsimmik malinninnissamut pisussaatinneqarsinnaannginnerata unammillernermut siuarsaataanissaa tamatumani tunngavineqarpoq. Neqerooruteqartut neqerooruteqartut namminneerlutik piumasaminnik annertunerusumik annikinnerusumilluunniit aalajangiisinnaanissaanut naleqqiullugu neqerooruteqarnermut inatsimmi maleruagassanik malinnittusaaq imminnut nittarsaassinnaasut, inatsitigtut inissisimanertik aalajangersarneqarsimappat pitsaasunik neqerooruteqarnissaq angusinnaanerussavaat.

Inatsisip neqerooruteqartumit, nammineerluni inatsimmut ilaatinneqanngitsumit akuerineqarsimasutut isineqarsinnaaneranumut tunngavineqarnera ersarissumik nalunaarutigineqassaaq. Nalunaarut ersarissuussaaq paatsuugassaassanilu. Inatsisip oqaasertaata neqerooruteqartitsinermit najoqqutassani issuarneqarsimanissaa naammangilaq.

Nalunaaruteqarnermit inatsit tamakkiisumik atorneqartussaasersoq, taamatullu inatsimmi sukumiisumik taakkartorneqartut atorneqassanersut aallaavineqassappat. Tamanna neqerooruteqartitsisup nammineerluni aalajangissavaa.

Kisiannili Neqerooruteqartitsisarnermut Maalaaruteqarfiup inatsisunik unioqqutitsinerit pillugit maalaarutinik suliaqarnissamut piginnaatitaanera avaqqunneqarsinnaanngilaq. Aammattaaq neqerooruteqartitsisup namminersortup neqerooruteqartarnermut inatsisip ilaanna neqerooruteqartitsinermit atorneqartussaasoq nalunaarutigisimagaluarpaguluunniit Maalaaruteqar-

tarfiup neqerooruteqartarnermut inatsimmi, neqrooruteqartitsinerup pineqartup nalaani atuut-
tuusumi aalajangersakkanik unioqutitsinerit pillugit maalaarutitik suliaqarnissamut pigin-
naatinneqassaaq.

§ 2-mut

Sanaartugassani suliassat tassaapput sanaartugassat ataatsimoortut, imminermini aningaasa-
qarnikkut teknikkikkullu ingerlatsisinnaanissamut naammassinniffiusut inerneru.

Tassani ilaatigut suliassat, sanaartorfiusumi sanaartugassat aalajangersimasut naammassine-
qarnissaannut sulissuteqarfiusussatut siunertaqarfiusut, tassalu siunnersuinerup atortussanillu
pisiniarnerup akerlerisai pineqarput.

Tassani illut sanaartugassallu nutaat sananeqarnissaat, nutarterinerit, aserfallatsaaliuinerit i-
luarsaassinerillu nalinginnaasut pineqarput. Taakku saniatigut illunik isaterinerit, qillerinerit
kiisalu illuni atortoqarfinnilu atortulersutitik ikussuussinerit pineqarput.

§ 3-mut

Imm. 1

§ 3-mi neqerooruteqartitseriaatsit inatsimmi atorineqartut assigiinngitsut nassuiarneqarput.

Piumasaqaatit uku tallimaasut aatsaat naammassineqarsimappata suliariumannittussarsiuussi-
soqassaaq:

1. Neqerooruteqartussat ataatsimit amerlanerusut neqerooruteqarnissamut kajumissaar-
neqarsimassapput.
2. Kajumissarinermi piffissap aalajangersimasup iluani neqerooruteqarnissaq aallaavi-
gineqassaaq.
3. Neqerooruteqartitsinermi tunngavissat ataatsit imaluunniit minnerpaaffissanut piuma-
saqaatit ataatsimut atuuttussat tunngavigalugit neqerooruteqartoqassaaq.
4. Neqeroorutit atuuttussaassapput, imaluunniit sanaartugassap pisussaaffiliisumik sule-
qatigiiffiunissaanut isumaqatigiissusiornissaq tunngavigineqassaaq.
5. Neqerooruteqarnissamut kajumissarinermi suliariumannittussarsiuussisoqarnera na-
lunaarutigineqassaaq.

Imm. 1-imut nassuiaat aamma suliariumannittussarsiuussinernut, neqerooruteqartitsisup u-
nammillernissamut tunngavissanik erseqqissunik assigiinnillu piumasaqaateqarfiginngisaanut,
taamaallaalli piumasaqaatit minnerpaaffissaannik, tunisassiassamut kissaatigineqartumut ima-
luunniit atuuffissamut piumasaqaateqarfiusumut teknikkimut tunngasunik nassuiaaffigineqar-
simasinnaasunut aalajangersaaffigisaannut atuuppoq.

Aalajangersagaq siunnersuutigineqartoq tamanik suliaqarnissat inatsimmut ilaatinneqarneri-
nut, aammalu ! 14-imi “aningaasaqarnikkut iluanaarnarnerpaamik neqerooruteqarnerup” tun-
niussinissamut tunngavissatut nutaatut, neqerooruteqartitsisup neqerooruteqartunut pitsaassut-
simik aaqqiinissamut unammillertitsinissaanut tunngavissatut siunnersuutigineqarneranut ata-
sutut isigineqassaaq.

Imm. 1-imili aalajangersagaq aamma neqerooruteqartitsisup suleqatigeeriaatsit nutaat, soorlu
“suleqateqarneq”, malillugit unammilleqatigiinnermik aaqqissuussisinnaaneranik ammaassi-
voq. Unammilleqatigiinnerup kingorna sullissisussatut toqqarneqartoq tulleriaarinermi siuar-

tinneqarsinnaavoq, taamaalilluni neqerooruteqartoq toqqarneqartoq pisussaaffiliisumik suleqatigiinnissamut ilaasinnaalissalluni, aammalu suliap, tunisassiamik piumaneqartumik pilersitsinissamut angusaqarfiusussap ingerlanissaata sukumiisumik piareersarneqarneranut suleqataasinnaalissalluni. assersuutigalugu neqerooruteqartoq aallaqqaammut Suliffeqarfiup teknikkikkut aningaasaqarnikkullu pisinnaasai aammalu suliap qanoq ililluni aaqqinneqarnissanut tamatumunngalu aningaasartuutissanut takussutissiaq tunngavigalugit toqqarneqarsinnaavoq. Sanatitsisoq qinnuteqartut tamaasa takussutissiat attuumassuteqartut pillugit isumaqatiginninniarfigereerunigit suleqatissaminik toqqaasinnaavoq.

Suleqatigiinnut neqerooruteqartitsinermi “neqeroorutit” atuuttussaangortinneqanngitsunik siunnersuusiorfigineqassapput, nalinginnaasumillu aamma akinut takussutissiamik atuuttussaangortinneqanngitsunik ilaqartinneqassallutik. Aatsaat suliaasanut isumaqatigiissut inaaru-taasoq tamatuma kingorna sukumiinerusumik aalajangersarneqassaaq. Taamatut pisoqarsinnaanera eqqarsaatigalugu neqerooruteqartitsinermi najoqqutassat taamatut pisoqassappat qanoq iliortoqarnissaanik aalajangernermik imaqaassapput, tassungalu suleqataasup pilersaarutitut najoqqutassatut suliaanik atuinissaq tassungalu akiliutissat eqqarsaatigineqarnissaat ilaapput.

Kiisalu sanatitsisup ersarissumik iliuuseqarnissaq eqqarsaatigalugu suliariumannittussarsiuussinerup pineqarnera allasagaa siunnersuutigineqarpoq.

Imm. 2

Imm. 2-mi pisortat suliariumannittussarsiuussineranni kikkunnulluunniit saaffiginnittumik neqerooruteqarqussisoqarnissaa aalajangersarneqarpoq. Unammilleqatigiinnerup pitsaanerpaanissaa qulakkeerniarlugu kajumissaarut tusagassiutitigut allagarsiinikkut pissaaq. Allagarsiussiffigineqartussaq aviisiissanersoq nuna tamakkerlugu saqqummersartoq piumasaaqatigineqanngilaq, kisiannili saaffigisat amerlanissaat siunnerfigineqarpoq.

Paarlattuanik allagarsiussaq tusagassiorfiit elektroniskiusut aqutigalugit pisinnaavoq, soorlu nittartakkakut Namminersornerullutik Oqartussanit aqunneqartukut, uggua:

www.udbud.gl

Imm. 3

Imm. 3-mi killilimmik suliariumannittussarsiuussisarneq nassuiarneqarpoq. Aalajangersakkami neqerooruteqartitsineq siullermeerutaasumik neqerooruteqartitsinissamut unammillernertalimmik marlunnik immikkoortortalerneqarnissaa akuerineqarpoq. Aalajangersakkamili tamanna piumasaaqatigineqanngilaq. Aalajangersakkamili siunnersuutigineqartumi periaatsip taassuma aamma atorneqarnissaa akuerineqarpoq.

Suleqatigiinnissamut isumaqatigiissusiornissaq siullermeerutaasumik neqerooruteqartitsinertaqanngitsumik killilimmik neqerooruteqarfigitinneqartillugu, sanatitsisoq suleqatigiinni attuumassuteqartuni, suliakkiisummi unammilleqatigiittussani ilaasortanut ataasiakkaanut, imaluunniit suliffeqarfinnut ataasiakkaanut assigiinngitsunut, namminneerlutik suleqatigiinnik pilersitsisussanut saaffiginnilluni “toqqaannartumik kajumissaaarsinnaavoq”.

§ 4-mut

Siullermeerutaasumik neqerooruteqartitsineq tassaavoq, killilimmik neqerooruteqartitsinerup imaluunniit isumaqatiginninniareernerme neqerooruteqartitsinerup killiffia, tassanilu neqeroo-

ruteqartitsisup pilersuisut aalajangersimasunik amerlassuseqartut neqerooruteqartussatut toq-qartarpai.

Neqerooruteqartitsisarnermut Maalaaruteqartarfiup siullermeerutaasumik neqerooruteqartitsinermi siunertaasoq Dansk Transport og Logistik-ip I/S Reno Syd-imut maalaarutaanut aalajangiinermini, 16. maj 2000-imeersumi imatut nassuiaateqarfigaa: "Siullermeerutaasumik neqerooruteqartitsinermi suliffeqarfiup naleqqunnerpaap nassaariniarneqarnissaa siunertaanngilaq, akerlianilli suliffeqarfiit piunasaqaatinik, neqerooruteqarnissamut naammassineqartussanik naammassinninngitsut neqerooruteqarnissamut ilaatinneqannginnissaat, kiisalu suliffeqarfiit neqerooruteqarnissamut periarfissaqartinneqartussat amerlassutsimikkut killilersimaarneqarsinnaanissaat siunertarineqarpoq.

Aamma siullermeerutaasumik neqerooruteqartitsinermi pisortani neqerooruteqartitsisup suliffeqarfiup aningaasaqarnikkut, teknikkikkut, pitsaassutsikkut sullissinikkullu, aaqqissuussaanikkut il.il. suliakkiissutigineqartumik naammassinninnissamut piginnaaneqarneranut uppernarsaavigineqarnissaa siunertarineqarpoq. Allatut oqaatigalugu pisortani oqartussaasup naapertuilluartumik piginnaanilimmillu pilersuisoqarnissani qulakkiissavaa.

Siullermeerutaasumik neqerooruteqartitsisarneq neqerooruteqartitseriaasiuvoq marlunnut avinneqarsimasoq, taannalu pisortat sanaartugassaataannut atorineqartarpoq.

Killilimmik neqerooruteqartitsinerup immikkoortuani siullermi siullermeerutaasumik neqerooruteqartitsisoqartarpoq, tassanilu suliffeqarfiit sullissinissamik soqutiginninnertik nalunaarutigisarpaat, suliffeqarfisik ilisaritittarlugu aammalu pissutsinut arlalinnut uppernarsaasiisarlutik.

Immikkoortuata aappaani neqerooruteqartitsinerpiaq ingerlanneqartarpoq, tassanilu suliffeqarfiit akuerineqartut kisimik siullermeerutaasumik neqerooruteqartitsinermut peqataasarput. Suliffeqarfiit taakku kisimik neqerooruteqartitsinermi najoqqutassanik nassiussivigineqartarput.

§ 5-imut

Aalajangersakkami sanaartugassanut piffissap taaneqartup iluani *suliarineqarsinnaasunut* isumaqatigiissutit immersugassat, assersuutigalugu pitsaassutsimut, akinut aamma amerlassutsinut/annertussutsinut tunngasunut piunasaqaatinut nassuiaateqarfiusut aalajangersarneqarput.

Aalajangersagaq suliariumannittussarsiuussinermi neqerooruteqartitsinermut, taamatullu suliaqartinniakkat ilisimatereerlugit neqerooruteqartinneqarnerinut atuuppoq. Isumaqatigiissut immersugassaq imamigut isumaqatigiissutinit, inatsimmi maleruagassiuunneqartunit allanit allaanerunngilaq, tassani isumaqatigiissutit immersugassat immikkoortuataat "suliarineqarsinnaasunut"-mi ersereermat.

Isumaqatigiissut immersugassaq illuatungaannaanut artukkiisumik isumaqatigiissutaavoq, tassalu illuatungiliuttoq, sanatitsisoq, illuatungiliuttumut, entreprenørimut, piunasaqaatitut sukumiinerusumik isumaqatigiissutigineqarsimasut malillugit sullinneqarnissamik isumaqatigiissutigineqarsimasumik inniminniisinnaavoq. Entreprenørili suliaqarnissamut inatsisit tunngavigalugit piunasaqarsinnaanngilaq, isumaqatigiissullu immersugassap naanerani sanatitsi-

soq sullinneqarnissamik inniminniisimangippat, tamanna tunngavigalugu entreprenøri isertitassatut annaasaminut matussutissatut taarsiiffigineqarnissamik piunasaqarsinnaangilaq.

Isumaqatigiissummi immersugassami sanatitsisoq sullinneqarnissamik inniminniisissamut pisussaaffilerneqanngilaq. Tamanna pissutigalugu pisortani neqerooruteqartitsisoq suliaasamut suliariumannittussarsiuussinermik aallartitsinissamut akornusersimaneqanngilaq, naak suliaasaq isumaqatigiissut immersugassaq tunngavigalugu inniminnerneqarsinnaagaluartoq.

Isumaqatigiissummut immersugassamut neqerooruteqartitsineq neqerooruteqarnermut inatsimmi maleruagassat malillugit pisartussaavoq, taamaattumillu isumaqatigiissut immersugassaq suliariumannittussarsiuussereernerup kingorna isumaqatigiissutigineqartussaavoq, tamatumani inatsimmi § 19 naapertorlugu suliaqartinniakkat ilisimatereerlugit neqerooruteqartitsinissamut piunasaqaatit naammassineqarsimangippata.

§ 6-imut

Aalajangersakkami suliaqartinniakkat ilisimatereerlugit neqerooruteqartitsisarneq suliariumannittussarsiuussinermi allaanerusumik neqerooruteqartitsiviusartutut nassuiarneqarpoq. Tassalu suliaqartinniakkat ilisimatereerlugit neqerooruteqartitsisarnermi neqeroorutinut, suliariumannittussarsiuussisarnermi neqeroorutaanngitsunut killilerneqarput, tak. § 3. Erseqqissumilli saqqummiussinissaq eqqarsaatigalugu aamma isumaqatigiissutinik immersugassanik atuinermi, tassungalu ilanngullugu neqeroorutit ilassuserneqarnissaannut qinnuteqarnermi suliaqartinniakkat ilisimatereerlugit neqerooruteqartitsisarnermut maleruagassat malinneqartannginnerat ilanngunneqarpoq.

Inissiamik piginnittoq namminersortoq, inip matuanik nutaamik pisiniarluni akimik paasinaalluni sanasumut sianertoq assersuutitut taaneqarsinnaavoq, aamma sanatitsisoq neqerooruteqartinniakkanut arlalinnut suliaasamut nassuiaatit tunngavigalugit sanaartugassamut neqerooruteqartitsisoq, piffissamili aalajangersimasumi neqerooruteqarnissamut kajumissaarinnigitsaq, aammalu suliariumannittussarsiuussinerup pineqarneranik nalunaarutiginninngitsaq taamaappoq.

Kapitali 2-mut

Kapitali 2-mi neqerooruteqartitsisumut unammilleqatigiinnerup naammattup pilersinneqarnissaanut aamma neqerooruteqartut qinnuteqaateqartullu assigiimmik atugaqarnissaannut periarfissanik atuinissaanut piunasaqaatinut aalajangersakkat katersorneqarput.

§ 7-imut

Imm. 1

Pisortat imaluunniit pisortanit tapiiffigineqartumik sanaartornermut neqerooruteqartitsinerit tamanut ammasumik imaluunniit killilimmik suliariumannittussarsiuussinermut, suliaqartinniakkalluunniit ilisimatereerlugit neqerooruteqartitsinermut suleriaasissatut inatsimmi aalajangersakkat naapertorlugit ingerlanneqartarnissaat aalajangersakkami imm. 1-imi pingaarnertut aalajangersarneqarpoq.

Tamanut ammasumik suliariumannittussarsiuussineq aalajangersimasuunngitsunut saaffiginittuovoq, taamaattumillu kikkulluunniit neqerooruteqarsinnaapput (peqataanissamut piumasqaatit aalajangersarneqarsimasut naammassineqarsimappata).

Killilimmik suliariumannittussarsiuussinermi suliffeqarfiit toqqakkat neqerooruteqarnissamut kajumissaarneqartarput. Tassalu toqqarneqartut saniatigut allat neqerooruteqarsinnaanngillat.

Killilimmik suliariumannittussarsiuussinermi siullermeerutaasumik neqerooruteqartitsineq ilaatillugu ilaatinngaluunniit aallartinneqarsinnaavoq. Siullermeerutaasumik neqeroortitsineq aallartinneqassappat tunngaviusumik kikkulluunniit siullermeerutaasumik neqerooruteqartitsinermut qinnuteqarfigineqarsinnaapput. Siullermeerutaasumik neqerooruteqartitsisoqassanngippat, neqerooruteqartitsisup nammineerluni suliffeqarfiit neqerooruteqaqullugit kajumissaarneqartussat toqqassavai.

Aamma isumaqatigiissutit immersugassat suliariumannittussarsiuussinermut ilaatinneqassapput. §§ 18-21-mi piumasqaatit naammassineqarsimappata, taamatuttaaq isumaqatigiissutit immersugassat § 5 naapertorlugu suliaqartinniakkat ilisimatereerlugit neqerooruteqartitsinertut isumaqatigiissutigineqarsinnaapput.

Isumaqatigiissut immersugassaq tassaavoq isumaqatigiissut, illuatungiliuttup sullissinermik ataatsimik amerlanerusunilluunniit sullissinisaanik illuatungiliuttup suliasatut kissaatigisaanik piumasqaatit sukumiinerusumik aalajangersarneqartut naapertorlugit imminut pisussaaffilerneqarneranik aalajangersaaffiusoq. Taamaattumik tunngaviatigut illuatungiliuttoq sullissinermik tigusissalluni sumilluunniit pisussaaffilerneqanngilaq.

Imm. 2

Imm. 2 malillugu neqerooruteqartitsisup unammilleqatigiinnermik naammattumik pilersitsinarluni periarfissat atortussaavai. Aalajangersagaq neqerooruteqartitseriaatsinik toqqaanissamut aamma neqerooruteqartitsinissap piareersarneqarnissaanut ingerlanneqarnissaanullu atuutissaaq.

Pisuni ataasiakkaani suliaqartinniakkat ilisimatereerlugit neqerooruteqartitsineq imaluunniit suliariumannittussarsiuussineq atornerqarnersoq apeqqaatinnagu taanna atuutissaaq.

Unammilleqatigiinnerup annertusarneqarnissaanut piumasqaat § 7, imm. 3-mi assigiimmik pineqarnissamut tunngavissamut atuunneratigut, neqerooruteqartut imminnut atanerisigut unammilleqatigiinneq atorunnaarsinneqassanersoq neqerooruteqartitsisup misissortussaavaa. Taamaattumik ingerlatseqatigiiffiit suleqatigisat aamma ingerlatseqatigiiffiit pingarnerit ingerlatseqatigiiffiutigisallu neqerooruteqartitsinermi ataatsimi neqerooruteqartitsinermut ataatsikkut ilaasinnaanngillat.

Neqerooruteqartitsisut ataasiakkaat inatsimmi maleruagassanik malinniinnartussaannngillat, aammali neqerooruteqartitsineq unammilleqatigiinnermik annertusaaffiusumik ingerlattussavaat, tassalu amerlanerusut peqataatinneqarsinnaanissaat anguniartussaallugu. Amerlanerusut peqataatinneqarpata, neqerooruteqartut ataasiakkaat pitsaanerpaanik takutitsinissamut tatineqartussaapput, aammalu unammilleqatigiinneq annertunerulertussaalluni.

Tassanili Kalaallit Nunaanni pissutsit immikkut ittuunerat isiginiarneqassaaq, tassunga innuttaasut katitigaanerat unammillernissamullu niuernikkut tunngavissat ilaallutik. Innuttaasut

siammasinnerujussuat, kiisalu illoqarfiit nunaqarfiillu akunnerminni isorartunerujussuat suliffeqarfiit sumiiffimmi pineqartumi niuernerminik pilersitsisinnaasut amerlassutsimikkut killilersorneqarnerannik pilersitsiviusimavoq. Kiisalu suliffeqarfiit najukkamik avataanni sanaartornernut neqerooruteqarnissaat akitsorsaataasarpog, neqerooruteqarnermi assartuinerit inissallu ilaatinneqartarmata. Taakku najukkani entreprenørit eqqarsaatigisariaqanngilaat. Taamaattumik sanaartornermi unammilleqatigiissitsinissamik kissaateqarneq tamatigut anguneqarsinnaasannilaq.

Amerlasuut suliassamut neqerooruteqarnissamut (suliariumannittussarsiuussinermut) neqerooruteqarnissaannik kajumissaarneqarnissaat angusaqarfiunerusussaavoq. Kisiannili suliqartinniakkat ilisimatereerlugit neqerooruteqartitsisarnissap periarfissaqartinneqarnissaa pisariaqarpoq, suliassanik arlalinnik taamatut ilusilinnik imaluunniit killeqangaatsiartunik anner-tussuseqartunik, allaat neqerooruteqartitsinermi tunngavissanik suliqarnermut aningaasartuutit suliassallu suliariumannittussarsiuussinermi “pissarsiassanit” amerlanerusunik atuiffiusariaqartunik peqartarmat. Neqerooruteqartitsisup nalinginnaasumik neqerooruteqartitseriaatsimik naleqqunnerpaamik toqqaasarnissaa eqqarsaatigineqarsinnaavoq.

Pisuni ataasiakkaani qanoq iliorluni unammillernermik pitsaanerpaamik pilersitsisoqarsinnaanersoq neqerooruteqartitsisup nammineerluni nalilissavaa. Kisiannili neqerooruteqartitseriaatsinik annerpaamik unammillerfiusinnaasunik atuisarneq siuarsarniarlugu, aammalu pisortat isumaqatigiissutaat annerit paasiuminarnerulersinniarlugit, sanatitsisut pisortat imaluunniit pisortanit tapiiffigineqartut suliqartinniakkat ilisimatereerlugit neqerooruteqartitsinermik atuisinnaanerisa tunngavissanut sukumiisumik nassuiarneqartunut, suliqartinniakkat ilisimatereerlugit neqerooruteqartinniakkanik toqqaanissamut immikkut ittumik tunngavilersuiffiusinnaasunut killilerneqarnissaat naleqqunnerpaatut isigineqarpoq.

Suliffeqarfiit uppersaanissamut naammaginannigitsunik piffissalernerqartarnissaannut illersorneqarnissaasa pisariaqarsinnaanera eqqarsaatigineqartariaqarpoq, tassami assersuutigalugu suliqartinniakkat ilisimatereerlugit neqerooruteqartitsinerni neqerooruteqarnissamut piffissaliussat allanut assingusuunngitsut sivisoorsuunngortinneqarsinnaapput.

Unammilleqatigiinnissamut piumasaqaammi piffissap isumaqatigiissuteqarfiusup neqerooruteqartitsisup niuernerminut tunngatillugu tunngavilersuutigisinnaasaanit sivisunerussannilaq, tassani assersuutigalugu pilersuisup nalikilliliinissamut pisariaqartitai aammalu pisinnaasanut suliassamik neqerooruteqartitsinermi suliassanik piareersaanissamut pilersaarusiornissamullu periarfissai eqqarsaatigineqassallutik.

Pisinnaasanut suliassamik neqerooruteqartitsineq tassaavoq neqerooruteqartitsineq, neqerooruteqartitsisup pilersuinerup naammassinerani pisinnaasatigut piumasaqaatinik sukumiisunik aalajangersaaffigisaa. Tamatuma kingorna pisinnaasat taakku anguneqarnissaasa qulakkeernissaannut suleriaatsinik atortunillu toqqaanissaq entreprenørip akisussaaffigilissavaa.

Imm. 3

Imm. 3 malillugu neqerooruteqartitsisup neqerooruteqartitsinissamik piareersarnermini ingerlatsinermi, aammalu neqerooruteqartitsinermi neqerooruteqartut akornanni assigiinngitsumik pinnittoqannginnissaa isumagisussaavaa.

Tassani assigiinngitsumik pinnittoqarsinnaannginnissaa eqqarsaatigineqanngilaq, kisiannili assigiinngitsumik pinninneq inatsisit pissusiviusullu eqqarsaatigalugit tunngavilersorneqas-

saaq. Allatut oqaatigalugu piumasaqaatit malillugit assigiinngitsumik pinninnissaq pissanngilaq.

Neqerooruteqartitsinermi najoqqutassat imaanut ilusissaannulluunniit piumasaqaatinik immikkut ittunik atuutsitsisoqanngilaq, kisiannili neqerooruteqartut akornanni assigiinngitsumik pinnittoqartussaannginna imm. 3-mi aalajangersarneqarpoq. Taassuma atuunneratigut neqerooruteqartunut assigiinngitsunut paasissutissanik assigiinngitsunik nassiussinissaq inertequtaavoq. Assigiimmik pinninnissamik tunngavissap atuunneratigut neqerooruteqartut tamarmik najoqqutassanik assigiilluinnartunik nassinneqarnissaat pisariaqarpoq, aammalu oqaasiinnaat atorlugit neqerooruteqarnissamut najoqqutassani salliutinneqarnissaq, assersuutigalugu oqarasuaatikkut apeqqutinik akissuteqarnissaq inertequtiginneqarpoq.

Taamaattumik tamatumani sulineq suli eqqarsaatigalugu neqerooruteqartitsinermi najoqqutassat allakkatigut imaluunniit atortut elektroniskiusut atorlugit tunniunneqartartussaapput, neqerooruteqarnissamullu najoqqutassat assigiimmik iluseqartinneqarlutik neqerooruteqartussanut tamanut nassiunneqartussaallutik. Tamannattaq neqerooruteqartussat apequtaannut akissuteqarnermut atuutissaaq.

Neqerooruteqartitsinermit atatillugu assigiinngitsumik pinninnissaq inertequtaavoq. Tassani eqqarsaatiginneqartoq tassaavoq, qinnuteqartut (siullermeerutaasumik neqerooruteqartitsinermit) aamma neqerooruteqartut neqerooruteqartut ilaatinneqarnissamut aammalu neqeroorutit tunniunneqartut nalilersorneqarnissaannut assigiinnik periarfissaqartinneqarnissaat.

Assigiinngitsumik pinninnissaq soorunami avaqqunneqarsinnaanngilaq, tassami qinnuteqartut tamarmik siullermeerutaasumik neqerooruteqartitsinissamut ilaatinneqarnissaat naatsorsuutigineqarsinnaanngilaq, aammalu neqerooruteqartup ataasiinnaap suliassaq tigusinnaavaa. Kisianni kikkut tamarmik assigiimmik periarfissaqartinneqassapput.

Assigiimmik pineqarnissamut tunngavissap atuunneratigut:

1. Neqerooruteqartitsinermi najoqqutassani neqerooruteqarnissamullu piumasaqaatini immikkoortitsisoqassanngilaq.
2. Suliffeqarfiit neqerooruteqartitsinermi najoqqutassat neqerooruteqarnissamullu piumasaqaatit ilusilersorneqarnerini annertuumik sunniuteqarsimasut, imaluunniit neqerooruteqartitsisup aalajangiineranut sunniuteqarsimasut qinnuteqartut neqerooruteqartutulluunniit peqataasinnaanngillat. Suliffeqarfiit taamaattut qinnuteqartut neqerooruteqartutullu ilaatinneqarsinnaanngillat.
3. Neqeroorutit neqerooruteqartitsinermi piumasaqaatini tunngaviusunut tunuarsimaarnertallit, imaluunniit arlaatigut neqerooruteqartitsinermi piumasaqaatinik uniuiffiusut tunuartinneqassapput, taamatullu uniuinerit pingaarutillit annikitsut akii aalajangersarneqassallutik.

Oqaatsit “kinaassusersiunngitsumik, piviusorsioortumik immikkoortitsiviunngitsumillu tunngaveqarnissaq” tassaapput tunngavissat, neqerooruteqartitsisup piumasaqaatinik, neqerooruteqartup neqeroorummi nalilersuinermit ilaatinneqarnissaanut naammassisassanik suliaqarnermini malitassai. Piumasaqaatit taakku toqqaanissamut tunngavissat taaneqarput. Taanna neqerooruteqartitseriaatsinut qanorluunniit ittunut atuuppoq.

Kinaassusersiunngitsumik, piviusorsioortumik immikkoortitsiviunngitsumillu tunngaveqarluni toqqaanermi neqerooruteqarsinnaasut piviusorsioortumik tunngaveqarluni, tassalu aningaa-

saqarnikkut teknikkikkullu piginnaasanit allaanerusut eqqarsaatigalugit tunuartinneqartarnissaasa pinngitsoorneqarnissaa qulakkeerneqassaaq.

Neqerooruteqartunik toqqaanermi assigiimmik pinninnissamut piunasaqaat neqerooruteqartitseriaatsinut qanorluunniit ittunut atuuppoq.

Inatsisissatut siunnersuut neqeroorutinut, neqerooruteqartitsinermit piunasaqaatinik uniuiffiusunut maleruagassanik immikkut ittunik imaqaanngilaq. Apeqqu ilaatigut § 7, imm. 3-mi assigiimmik pinninnissamut tunngavissat, ilaatigullu § 15-imi neqeroorutinut allanik qinigassartalinnut maleruagassat aqutigalugit maleruagassiunneqarpoq.

Assigiimmik pineqarnissamut tunngavissap atuunneratigut neqerooruteqartitsisoq neqeroorutinik, neqerooruteqartitsinermit piunasaqaatini immikkoortunik tunngaviusunik uniuiffiusunik tigusiinissamut pisinnaatitaanngilaq, tassungalu neqerooruteqartitsinermit piunasaqaatini piunasaqaatit minnerpaaffissaat, allanik qinigassartalinnik neqerooruteqarnermit naammassi-neqartussat ilaapput.

Sulialli ingerlanneqarnerini uniuineq ima annertutiginersoq, allaat neqeroorut naleqqutinngitsut tunuartinneqarsinnaalluni nalorninartoqartinneqarsinnaavoq. Uniuineq annertunngippat neqerooruteqartup neqeroorut ilaatissallugu pisinnaatitaavoq, neqerooruteqartitsisoq neqerooruteqartitsinermit najoqqutassat malillugit neqeroorutit nalornissuteqarfiusut tamaasa tunuartinnaannut pisussaatinneqanngippat. Taannali taamaallat uniuineq neqeroorutit naapertuut-tumik piviusorsiorlumillu imminnut assersuunnissaanut akornutaanngippat atuutissaaq. Tunuarsimaarfiusut, tassalu neqerooruteqartup neqeroorutip atuutiinnarnissaanut uppernarsaanissamut piunasaqaatigisai matumani pineqarpata, assersuussinissaq eqqarsaatigalugu tunuarsimaarfiusut akii aalajangersarneqarsinnaassapput.

Neqerooruteqarnermit tunuarsimaarfiusut neqerooruteqartitsinermit tunngavissanik annikitsumik uniuiffiusimagaluarpataluunniit, neqerooruteqartitsisoq taamatut akinik aalajangersaanissamut aammalu neqeroorutip eqqarsaatiginissaanut pisussaaffeqaanngilaq.

Neqerooruteqartitsinermit tunngavissanik uniuinerit annikkaluarpataluunniit, neqerooruteqartitsisup neqeroorummik atortussaajunnaarsitsisinaanera neqerooruteqartup misigisinnaavaa. Tunuarsimaarnerup annertussusia aningaasaqarnikkut isumaa eqqortumik nalilissallugu neqerooruteqartitsisup ajornakusoortissinnaavaa, aammalu neqerooruteqartup toqqaannartumik attaveqarfigineqarnerani isumaqatiginninniartarnermit suliariumannittussarsiuussinerullu nalaani tulleriarisarnermit maleruagassat pequtaallutik amerlanertigut apeqqu paasisaqarfigineqarsinnaasannngilaq. Taamatut nalornissuteqarnerup kingunerisaanik neqerooruteqartitsisup neqeroorut aningaasaqarnikkut kingunerisassat eqqortut ilisimanagit tigoratarsinnaavaa. Tamatuma saniatigut tunuarsimaarfiusut uniuinertallit ima annikitsuaraasinnaapput aningaasaqarnikkullu naleqaanngissinnaallutik, imaluunniit aningaasalersorneqarsinnaasarput, kisiannili imamikkut neqerooruteqartitsisup ujartugaanit allaanerusinnaallutik.

Nalornissutaasorli ima annikitsigisinnaasarpoq, allaat neqerooruteqartitsisup ilaatissallugu pisussaaffigisariaqartarlugu. Neqerooruteqartitsisoq annertussutsimut pissusiviusunullu tunngavissanut nalinginnaasunut uniuuttumik naliliisinnaanngilaq, tamatumanili suliami oqimaatigitiissitsisoqartariaqarpoq, tamannalu ersarissumik maleruagassiornissamut tunngavigineqarsinnaanngilaq.

Nalornissuteqarneq neqerooruteqartitsinermi najoqqutassat ersarlunnerannik pissuteqarsimapat, tamanna neqerooruteqartitsisup neqeroorutitik tunuarsimaartoqarnera pissutigalugu tunuartitsinissamik pisinnaatitaaffeqarunnaarneranik nassataqarsinnaavoq.

§ 8-mut

Imm. 1

Imm. 1 malillugu sanatitsisup neqerooruteqarnissamut kajumissaarinermini neqeroorummik tigusinissamut piffissaliussaq nalunaarutigissavaa. Suliassap pineqartup annertussusia apequtaalluni piffissaliussaq taanna allanngorarsinnaavoq. Siullermik neqerooruteqartitsisup naliinera piffissaliussamut apequtaassaaq. Neqerooruteqartitsisup nammineerluni neqeroorutip suliarilluagaanissaa soqutigarisussaavaa, kisiannili neqerooruteqartussanut aalajangersimasunut iluaqusiisumik piffissarititaasup sivikippallaarnera ersarippat, Kalaallit Nunaanni Eqqartuussiviup neqerooruteqartitsisoq piffissaliussamik allanngueqqullugu peqqusinnaavaa.

Suliariumannittussarsiuussinermi piffissaliussaq ataaseq neqerooruteqartunut tamanut atuutissaaq. Suliaqartinniakkat ilisimatereerlugit neqerooruteqartinneqartarnerisa allaanerunera pisutaalluni, neqeroorutitik tunniussinissamut piffissaliussaq ataasiinnaasariaqanngilaq. Tassani imaassinnaavoq neqeroorutip ataatsip amerlanerusulluunniit tiguneqarnerini aatsaat unammillernerup annertunerusariaqarnera ersertoq.

Imm. 2

Neqerooruteqartitsinermi najoqqutassani allanik allasimasoqanngippat, uppersaanissamut piffissarititaasoq ullunut 20-nut aalajangersakkami aalajangersarneqarpoq. Uppersaanissamut piffissarititaasoq Kalaallit Nunaanni sanaartornermi suliassanut pilersuinernullu ataatsimut piunasaqaatini (AP95) § 3, imm. 5-imut naapertuuppoq.

Imm. 3

Neqerooruteqartut, isumaqatiginninniarnissamut qaaqquneqanngitsut imaluunniit § 17 naapertorlugi isumaqatiginninniarnit ingerlanerini tunuartinneqartut ingerlaannartumik neqeroorumminnut qilorsorsimajunnaarsinneqartarnissaat aalajangersakkami aalajangersarneqarpoq. Aalajangersagaq neqerooruteqartunut, neqerooruteqartitsisup isumaqatiginninniarnissamut piareersimatitaannut, kisiannili isumaqatiginninniarnernut suli ilaatinneqanngitsunut atuutinngilaq, tak. § 17, imm. 2-mut oqaaseqaatit. Aalajangererup neqerooruteqartunut kalluarneqartussanut nalunaarutigineqarnerani erngerluni nalunaarutigineqassaaq, tak. § 24, imm. 2.

Kapitali 3-mut

Kapitali 3-mi neqerooruteqartitsisarnermut aamma suliariumannittussarsiuussinermi suliassanik tunniussisarnermut aalajangersakkat ataatsimoortinneqarput.

§ 9-mut

§ 9-mi suliariumannittussarsiuussinermi neqeroorutit allaganngorlugit tunniunneqartarnissaat aalajangersarneqarpoq. Taamaattorli atorlut elektroniskiusut atorlugit tunniunneqarsinnaapput, neqerooruteqartitsisup siumoortumik tamatuma pinnginnissaa aalajangersimannippagu.

Neqerooruteqartitsisup qarasaasianik pisariaqartunik peqarnissaa, imaluunniit suliariumannittussarsiuussiviusumi atorlut taamaattunik peqarnissaa piunasaqaatigineqanngilaq, neqeroo-

ruteqartitsisup atortut elektroniskiusut atorlugit neqeroorutitik tunniussinissap pinnginnissaa piunasaqaatigisinnaammagu.

Atortut elektroniskiusut atorlugit attaveqaqatigiinnermut atortut qanoq ittuunissaannut piunasaqaatinik immikkut ittunik inatsit imaqaanngilaq. Tassani pineqartut tassaapput e-mail-ikkut neqerooruteqartarnerit, taamatullu diskette-nik imaluunniit cd-rom-inik nassiussilluni (immaqa pappiaqqanik naqitanik ilallugu) neqerooruteqartarnerit.

Suliariumannittussarsiuussinerni atortut elektroniskiusut atorlugit neqeroorutit aamma § 13 naapertorlugu neqeroorutitik ammaanissamut piffissaliussap nalliunnissaata tungaanut "matoqqatinneqartarnissaat" piunasarineqarpoq.

Tassalu atortut elektroniskiusut atorlugit neqeroorutit piffissaq suliariumannittussarsiuussiffissaq sioqqullugu neqerooruteqartitsisumit ilisimaneqalertussaangillat. Diskette-mik assigisaanilluunniit atuisoqarsimappat, taassuma allat puuannut matoqqasumut ikillugu nassiunneqarnissaanut piunasaqaat naammassineqarsinnaavoq, kisiannili neqeroorut e-mail-ikkut nassiunneqarsimappat, tamanna piffissap suliariumannittussarsiuussiffiusup tungaanut atuuttusamik paasiuminaallisaanikkut allatulluunniit isissutissamik atugassiinikkut pisinnaavoq.

§ 10-mut

Neqerooruteqartitsisup suliariumannittussarsiuussinissaq qanoq iliorluni piareersassaneraa neqerooruteqartitsissanersorlu aalajangersakkami allassimavoq.

Tamanut ammasumik suliariumannittussarsiuussinermut aalajangersakkami neqerooruteqartitsisooq neqerooruteqartup teknikkikkut aningaasaqarnikkullu pisinnaasassaanut, neqerooruteqartup nalilersuinnermut ilaatinneqarniarluni uppersarsagassaanut kissaateqarpat, tamanna allagarsiussami allanneqassaaq.

Aningaasaqarnikkut pisinnaasat assersuutigalugu uku atorlugit uppersarsarneqassapput:

- a) aningaaserivimmit nalunaarut aamma/imaluunniit inuussutissarsiornermi akisussaafeqarnermut sillimmasiisarfimmit atorneqartumit uppersarsaat,
- b) ukiumoortumik nalunaarut imaluunniit naatsorsuutit oqimaaqatigiissitat,
- c) ataatsimut kaaviiartitat, imaluunniit suliffeqarfik nutaajusimappat suliaasaqarfiup iluani ukiut pingasut tikillugit imaluunniit sivikinnerusumi kaaviiartitat pillugit nalunaarut.

Teknikkikkut pisinnaasat assersuutigalugu uku atorlugit uppersarsarneqassapput:

- a) sionatigut suliarisimasanit innersuussutit,
- b) teknikkimut tunngatillugu siunnersortit pillugit paasissutissat,
- c) pitsaassutisimik qulakkeerisarnermi suleriaatsit pillugit paasissutissat,
- d) nakkutilliinnermi aqqissuussat pillugit paasissutissaasinnaasut,
- e) sulisut pingaarnerit suliatigut piginnaasat pillugit paasissutissat,
- f) avatangiisinut aqqissuussat pillugit paasissutissat,
- g) sulisoqarnikkut isumalluutit pillugit paasissutissat,
- h) sakkut teknikkukkullu atortut pillugit paasissutissat,

- i) pilersuisut eqqarsaatigalugit siunertat pillugit paasissutissat.

Neqerooruteqartut uppersaasiinissamik piumasaqaatinik naammassinnissimangitsut tunuartinnissaannut neqerooruteqartitsisoq pisinnaatinneqarpoq. Tamanut ammasumik suliariumannittussarsiuussinermut atatillugu uppersaasiinissamut piumasaqaatip suliarineqartarnera, killilimmik suliariumannittussarsiuussinermi siullermeerutaasumik neqerooruteqartitsinertalimmi uppersaasiinissamut piumasaqaatip suliarineqartarneranit allaaneruvoq. Tassalu tamanut ammasumik suliariumannittussarsiuussinermi neqerooruteqartitsisup neqerooruteqartut, teknikkikkut aningaasaqarnikkullu pisinnaasat pillugit uppersaatinik kissaaticineqartunik nassiusaqartut tunuartissallugit pisinnaatitaangilaq. Tassalu tunuartitsinermi ilaatinneqartussat, soorlu ilinniartitaanikkut misilittakkatigullu tunuliaquttat uppersarneqarsimanerisa misissuiffigineqarnissaat tunngavigineqassaaq, neqeroorutinut allanut assersuussineq tunngavigineqarani. Uppersaatissat amigaaticineqarpata, neqerooruteqartoq neqeroorutinik naleqqutinningsutut itigartitsissalluni pisussaavoq.

Suliatigut aningaasaqarnikkullu pisinnaasanut uppersaatit aamma pilersuisunut tunngasuisinnaapput, tamatumani isumalluutissat pineqartut pigineqavinnerut uppersarneqarsinnaappat. Taamaattumik pissutsinut taakkununga paasissutissiinissaq neqerooruteqartitsisup piumasarisinnaavaa.

Aamma akit unammillissutigineqarnersut imaluunniit pitsaassuseq unammillissutigineqarnersooq allagarsiussami allasimassaaq, kisiannili pitsaassutsumik unammillertitsinermi tunngavissanut immikkoortut erseqqinnerusut neqerooruteqartitsinermi najoqqutassani tapertaliunneqartuni, soqutiginnittunut tamanut nassiusuunneqartuni allasimanissaat naammappoq.

§ 11-imut

§ 11-mi killilimmik neqerooruteqartitsinermut atatillugu neqerooruteqartitsisup siullermeerutaasumik neqerooruteqartitsiniarluni aalajangernerani allagarsiussami suut paasissutissiissutigineqassanersut aalajangersarneqarput.

Neqerooruteqartitsiniarluni allagarsiussami suliasap suunera annertussusaalu pillugu naatsumik nassuiaasiornerup, aammalu qinnuteqaatip sumut nassiuunneqarnissaanut paasissutissiinerup saniatigut paasissutissat pinngitsoorani ilaatinneqartussat sisamat ilaatinneqassapput, tassalu

- 1) qinnuteqaatip nassiuunniissaanut sivikinnerpaamik ullunik suliffiusunik 15-inik piffissaliineq,
- 2) aningaasaqarnikkut teknikkikkullu pisinnaasat pillugit uppersaatinut paasissutissat, qinnuteqaammut ilanngunneqartussat,
- 3) suliasaq appasinnerpaamik akeqartitsilluni imaluunniit aningaasaqarnikkut iluanaarnerpaamik akeqartitsilluni neqerooruteqartumut tunniunneqassanersooq, aamma
- 4) qinnuteqartussat amerlanerpaamik qassit neqerooruteqarnissamut kajumissaarneqassanersut.

Ullut suliffiusut tassaapput ataasinngornermiit tallimangornermut, ullut nalliuttut ilanngunagit. Qinnuteqaat piffissaq eqqorlugu neqerooruteqartitsisumut taassumaluunniit sinniisuanut

apuunneqarnissaa qinnuteqartup isumagisussaavaa. Qinnuteqaatit inortuisut, imaluunniit up-
pernarsaatissanik piumasarineqartunik ilaqartinneqanngitsut ilaatinneqarsinnaanngillat.

Teknikkikkut aningaasaqarnikkut pisinnaasanik uppernarsaasiinissamut tunngatillugu matuma
siuliani § 10-mut oqaaseqaatit takuneqassapput.

Siullermeerutaasumik neqerooruteqartitsinermi neqerooruteqartitsisup qinnuteqartut, peqataa-
nissamut piunnaasaqatit naammassinnissimasut akornanni suliffeqarfinnik neqerooruteqaaq-
qusissaaq.

Neqerooruteqartitsiniarluni allagarsiussami amerlanerpaaffiliunneqartunit amerlanerusunik
toqqaasoqarsinnaanngilaq, kisiannili peqataanissamut piunnaasaqatit naammassinnittut pe-
qataanissamik qinnuteqartut amerlangaatsiarpata, amerlanerpaaffiliussanit ikinnerusunik toq-
qaasoqassanngilaq.

Neqerooruteqartut qassit siullermeerutaasumik neqerooruteqartitsinermi neqerooruteqarsin-
naanersut ersarissumik ikinnerpaaffilerneqanngillat. Kisiannili neqeroorutit tallimat aamma
arfineq marluk akornanni pissarsiniarnissaq inassutigineqarpoq. Taamatut amerlassusiliineq
inatsimmi § 7, imm. 2 naapertorlugu unammilleqatigiinnissamut piunnaasaqatigineqartumut
naleqqunnerpaassasoq ilimanarpoq.

§ 12-imut

Aalajangersakkami killilimmik suliariumannittussarsiuussinermit toqqaannartumut atatillugu
suleriaasissat aalajangersarneqarput.

Neqerooruteqartitsiniarluni allagarsiussami qinnuteqartut neqerooruteqartussat siullerme-
rutaasumik neqerooruteqarnissamut aggersarneqarnissaannut pisussaatitsisoqanngilaq. Neqe-
rooruteqartitsisooq killilimmik suliariumannittussarsiuussinermit kikkut neqerooruteqaaqqullugit
kajumissaassanerlugit nammineerluni aalajangiisinnaatitaavoq.

Taamatut pisoqassappat neqerooruteqartitsisup suliffeqarfiit toqqaarneqartut toqqaannartumik
allakkatigut imaluunniit atortut elektroniskiusut atorlugit saaffiginnissuteqarfigissavai.

Neqerooruteqartussat qanoq amerlatigisut neqerooruteqarnissamut kajumissaarneqarnersut
neqerooruteqartitsisup paasissutissiissutigissavaa. Kisitsisit taaneqartut amerlanerpaaffissatut
atorneqarsinnaapput.

Neqerooruteqarnissamut najoqqutassani Tunniussinissamut tunngavissani aningaasaqarnikkut
iluanaarnarnerpaamik neqerooruteqarnissaq tunngavissanut immikkoortutut allanneqarnissaa
naammappoq. Neqerooruteqarnissamut najoqqutassat neqerooruteqartitsinermit allakkiamut
ilannunneqarsinnaapput, imaluunniit kingusinnerusukkut nassiunneqarsinnaallutik.

Neqeroorutiniq tigusiinissamut piffissarititaasoq neqerooruteqartitsinermi allakkiamut imaluunniit neqerooruteqartitsinermit najoqqutassani allassimassaaq, tak. § 8, imm. 1. Taassuma atuunneratigut neqeroorutiniq nassiussivissaq ilanngunneqassaaq.

§ 13-imut

Aalajangersagaq malillugu neqerooruteqartut neqeroorutit ammarneqarnerini najuussinnaati-taapput.

Suliassanik tamanik suliakkiisarnermi neqeroorutit ammarneqarnerini najuussinnaatitaanis-samut maannamut inatsisitigut tunngavissaqartoqarsimangilaq. Sulinerulli ingerlasarnera malillugu neqerooruteqartut tamarmik amerlanertigut najuussinnaatitaasarput.

Kisiannili tunniussinissamut “aningaasaqarnikkut iluanaarnarnerpaamik neqerooruteqarneq” tunngavigineqartillugu aammalu suliassanik tamanik suliakkiiniarnermi neqeroorutit atuarne-qarnerini neqerooruteqartut arlaat iluanaarnarnerpaamik neqerooruteqarsimansoq aalaja-ngerneqarsinnaangilaq.

§ 14-imut

Imm. 1

§ 14-imi suliakkiissutissamik tunniussinissamut tunngavissat, neqerooruteqartitsisumit ator-neqartussat allassimapput.

Neqerooruteqartitsisup suliariumannittussarsiuussinermi neqerooqqusinermini isumaqatigiis-susiornissamut pisussaataaanginnera naqissuserniarlugu, suliariumannittussarsiuussinermik taamaatitsinissamut periarfissaqarnera erseqqissarneqarpoq.

Inatsimmi § 23, imm. 1-imi sanatitsisup taamaatitsissaguni tamatumunnga tunngavilersuute-qartussaana nassuiarneqarpoq. Taamaalilluni pissusiviusunik tunngavissaqarnermi taamaal-laak taamaatitsisoqarsinnaanera tassani siunnerfigineqarpoq. Tamannali inatsimmi erseqqis-sumik maleruagassiuunneqanngilaq, inatsit neqerooruteqartitsisunut assigiinngitsorpassuar-nut, namminersortunut taamatullu pisortanut tunngasuussammat, tassanilu oqaaseq pissusi-viusunik peqquteqartumik assigiinngitsorpassuarnik imaqartussaammat, tassanilu pissutsit suliffeqarfiup iluani aaqqissuussaannermut aamma sanatitsisup aalajangiiniarluni sulianut i-ngerlatsisarnerannut tunngasut apeqqutaatinneqartartussaammata.

Kisiannili taamaatitsineq neqerooruteqartunut sunniiniutitut, neqerooruteqartunik politikkik-kut kissaatigineqanngitsunik ningorteriniarnermut imaluunniit asuliinnaq neqerooruteqartitsi-niutitut atorneqassanngilaq.

Ineriartornerup kingunerisaanik sanaartorneq ingerlanneqarsinnaajunnaarsimappat, tamanna pissusiviusunik tunngaveqartut oqaatigineqarsinnaassaaq. Imaluunniit akigititassatut neqe-roorutigineqartut missingersuutinut naleqqiullutik sanatitsisup suliassamik naliliinikipallaar-nera pissutaalluni, imaluunniit unammilleqatigiinnissap pisariaqartinneqartup pinngitsoornera pissutaalluni qaffasippallaarsimasinnaapput.

Neqerooruteqartitsisup tunniussinissamut tunngavissatut appasinnerpaamik akeqartitsilluni neqerooruteqarnissaq neqerooruteqartitsinermi piumasaqaataansoq, imaluunniit suliassaq

anigaasaqarnikkut iluanaarnarnerpaamik neqerooruteqartut assigiinngitsut tunngavigalugit tunniunneqassanersoq nalunaarutigissavaa.

Appasinnerpaamik akeqartitsinissaq tunniussinissamut tunngavigineqarsimappat, tassani akit kisimik unammillissutigineqassapput, taamaattumillu neqeroorutit akimikkut imminnut assersunneqarsinnaanissaat tunngavigineqassaaq. Tamanna pissappat neqerooruteqartitsinermi najoqqutassat neqeroortitsinermi suliassamik tamatuminnga ajornarunnaartitsisussamik ilaqassapput, tassani tamanut piumasaqaatit minnerpaaffissaat kisimi saqqummiunneqarani.

Anigaasaqarnikkut iluanaarnarnerpaamik neqerooruteqarnissaq tunniussinissamut tunngavigineqassappat, tunngavissat immikkoortut pingaartinneqartussat pillugit paasissutissat ilaatinneqassapput. Taamatut pisoqartillugu neqeroorutit akimikkut assersuunneqarsinnaanissaat pisariaqanngilaq, tassani pitsaassutsikkut assigiinngissutsit assigiinngissutsillu allat pingaernerutinneqarsinnaammata.

Neqeroorutit § 17, imm. 4 naapertorlugu isumaqatiginninniutigineqassappata, tunngavissat imaluunniit tunngavissanut immikkoortut allanngortinneqarsinnaanngillat.

§ 14-imi tunngavissat tamanut ammasumik killilimmillu suliariumannittussarsiuussinermut atorneqassapput. Suliaqartinniakkat ilisimatereerlugit neqerooruteqartitsinermi sanatitsisup nalilersuinermit toqqaasarnissaata maleruagassiuunneqarnissaa eqqarsaatigineqanngilaq, kisiannili § 14-imi tunngavissat annertuumik tunngavigineqartarnissaat, aammalu neqerooruteqartitsisup aallaqqaammulli assersuutigalugu akit kisimik pingaernerutinneqassat neqerooruteqartunut nalunaaruteqareertarnissaa pingaartinneqartassaaq.

Nr. 1

Neqerooruteqartitsinermi piumasaqaatini appasinnerpaamik akeqartitsinissaq tunniussinissamut tunngavissatut allanneqarsimappat, neqerooruteqartup taamaattumik neqerooruteqartoq suliassamik tigusinissamik tunngaviatigut piumasaqarsinnaavoq. Tamanna tamanut ammasumik suliariumannittussarsiuussinermut taamatullu killilimmik suliariumannittussarsiuussinermut atuuppoq. Tassalu neqerooruteqartitsisoq suliariumannittussarsiuussinerup taamaatinneqarnissaanut pissusiviusunik tunngavissaqarsimanngippat isumaqatigiissusiornissamut pissusaaffeqarpoq.

Appasinnerpaamik akeqartitsinissaq tunniussinissamut tunngavigineqassappat, siullermik neqeroorutit akitigut imminnut assersuunneqarsinnaanissaat piumasarineqarpoq. Taamaattumik neqerooruteqartitsinermi tunngavissat suliassamut najoqqutassanik imaqassaaq, taakkulu malillugit appasinnerpaamik akeqartitsinissaq tunniussinissamut tunngavigineqarnissaa suliassanik tamanik sularinninnissamut neqerooruteqartitsinermit atorneqarsinnaanngilaq. Aappaatut neqeroorut ataatsimoortunik anigaasartaqartinneqassaaq, akigititassaaq taanna unammilleqatigiinnermut tunngavigineqartussaammat.

Tassalu tunngaviatigut neqeroorutini ataasiakkaani ataasiakkaanut immikkoortunullu akit apeqqutaassanngillat.

Nr. 2

Suliassani pisariunerusuni suliassamut nassuiaasiornissaaq ingerlatsinissarlu tamakkiisumik ilaannaasumilluunniit neqerooruteqartumut tunniunneqarsimatillugu "appasinnerpaamik akeqartitsinissaq" tunngavigineqarsinnaanngilaq, neqerooruteqartitsisup nalilersuinerani akit sa-

niatigut pissutsit allat aamma ilaatinneqartussaammata. Tamanna assersuutigalugu suliassanik tamanik suleqatigiinnissamullu isumaqatigiissuteqarfiusunik suliqaarnissamut atuuppoq.

“Aningaasaqarnikkut iluanaarnarnerpaamik neqerooruteqarneq” aamma killormoortumik suliariumannittussarsiuussinermut atorneqarsinnaavoq, tassanilu aallaqqaammulli suliqaq qanoq akeqassanersoq nalunaarutigineqarsimassaaq, taamaalillunilu suliap pitsaassusissaa kisimi unammillerutigineqassalluni.

“Aningaasaqarnikkut iluanaarnarnerpaamik neqerooruteqarneq” tunniussinissamut tunngavigineqarsimappat, tunngavissanut immikkoortunik aalajangersaasoqartussaavoq. Neqerooruteqartitsisup assigiimmik pineqarnissamik tunngavissaq ataqqillugu tunngavissat suut aalajangersarneqassanersut nammineerluni aalajangissavaa, kisiannili tunngavissanut immikkoortut neqeroorutit immikkoortuannut naapertuutissapput. Tamanna pinngippat tunngavissanut immikkoortut aningaasaqarnikkut iluanaarnarnerpaamik neqerooruteqartut immikkoortinnissaanut naleqqutissanngillat.

Aningaasaqarnikkut iluanaarnarnerpaamik neqerooruteqartoqassappat, akit tamatigut tunngavissanut immikkoortunut ilaatinneqartassapput. Akit kisimiillutik tunngavissatut immikkoortinneqarsinnaanngillat, tamannalu pissappat tunniussinissamut tunngavissaq tassaalissammat appasinnerpaamik akeqartitsiniarluni neqerooruteqarneq.

Tunniussinissamut tunngavissani aningaasaqarnikkut iluanaarnarnerpaamik neqerooruteqartut immikkoortinneqarsinnaanissaat, tamatumunngalu naleqquttunik saqqummiussisinaanissaat siunertarineqartassaaq.

Neqerooruteqartitsisoq tunngavissanik immikkoortunik tamakkiisunik nalunaaruteqarsimanngippat, neqerooruteqartitsineq akinik unammillerfissatut isigineqaleratarsinnaavoq, taakkunanilu appasinnerpaamik neqerooruteqartoq kisimi isumaqatiginninniarfigineqarsinnaavoq.

Tunngavissat immikkoortuinut assersuutitut taaneqarsinnaasut tassaapput pitsaassuseq, piffissaq sanaartorfiusussaq, ingerlatsinermi aningaasartuutit, imminut akilersinnaassuseq, teknikikkut naleqassuseq, avatangiisinut sunniutit, sanaartugassap titartarneqarnera atorsinnaassusialu.

Tunngavissanut immikkoortut amerlasuut allannissaat pisariaqanngilaq. Tunngavissat attuumassuteqartut ikittuinnaat naleqqunnerpaasinnaapput, kisiannili akip saniatigut tunngavissatut immikkoortut minnerpaamik ataatsimik ilaqartinneqartussaapput.

Aamma tunngavissanut immikkoortut inatsimmi aalajangersakkami taaneqartut saniatigut tunngavissanik immikkoortunik allanik atuisoqarsinnaavoq, taakkulu assersuutigalugu suliap ingerlanneqarnerani suliffimmi avatangiisinut tunngasinnaapput.

Aamma inuiaqatigiit aningaasaqarnerannut tunngassutillit aalajangersimasumik annertussuilerlugit tunngavissanut immikkoortunut ilanngunneqarsinnaapput. Tamatumunnga atatillugu erseqqissaatigineqasaaq, aalajangersakkami neqerooruteqartitsisup neqerooruteqartitsinermi najoqqutassani entreprenørip isumaqatigiissuteqarfiusup suliarinerata nalaani inuiaqatigiit aningaasaqarnerannut soqutigisanik malinninnissamut pisussaaffilerneqarnissaanut immikkut isumaqatigiissutinik aalajangersaasinnaanera akornuserneqanngimmat. Tassani assersuutiga-

lugu neqerooruteqartitsisup sulisunik najugaqavissunik atorfinitsitsinissamik, taamaalillunilu najukkami suliaqartitsinissap kommunillu karsiata akileraarutigut isertitaqarnissaata eqqarsaatigineqarnissaanik pingaartitsinera pineqarsinnaavoq.

Tamatuma saniatigut neqerooruteqartitsisup neqeroorummik tunniussinissamut tunngavissanut immikkoortut ilinniartoqarnissaq ilanngussinavaa. Taassuma atuunneratigut aningaasaqarnikkut iluanaarnarnerpaamik neqerooruteqarnerup ilaatut ilinniartoqarnissaq, taamaalillunilu ilinniartunik ilinniartitsinissamut atuinissamullu isumalluutinik immikkoortitsinissaq neqeroorummut ilaatitsinisoqartussaalluni ilaatinneqartussaavoq. Tamatumani sanasutut ilinniartitaanerup siuarsarneqarnissaa siunertarineqarpoq.

Tunngavissat immikkoortut neqeroorutit assigiinngissutaannut attuumassuteqartunut tunngasuunissaat tassani kisimi pingaartinneqarpoq, neqerooruteqartut assigiinngissutaat pineqarani, taamatuttaarlu assigiimmik pineqarnissamik tunngavissat ataqqineqassapput. Neqeroorutit neqerooruteqartunut ataasiakkaanut iluaqutissanngorlugit ilusilerneqassanngillat.

Imm. 2

Imm. 2 malillugu neqerooruteqartitsinermut piunasaqaatini tunniussinissamut tunngavissatut atornerqartussat suunersut allanneqassapput, taamaalillunilu neqerooruteqartussat neqeroorummik nalilersuineri suut tunngivineqartussaannersut siumoortumik ilisimareertassavaat. Eqqarsaatigisassat assigiinngitsut ataatsimut qanoq tulleriiaarneqassannersut sapinngisamik siumoortumik nalunaarutigineqartassaaq. Tunngavissanut immikkoortut qanoq iliorluni ataatsimut nalilersorneqassannersut, imaluunniit tunngavissanut immikkoortut tunngavigalugit nalilersuineq ajornarpat tulleriaarinissaq qanoq ittoq atornerqassannersoq neqerooruteqartitsisup allattussaavaa.

Ataatsikkut nalilersuineq tulleriiaarinissarlu inerteqqutaavoq, taamaattumillu nalilersuineri tulleriiaarinermiluunniit tunngavissanut immikkoortut aallaavigineqassapput. Nalilersuineq tassaavoq tunngavissanut immikkoortut ataatsimut isumaanik (procentinngorlugit) nalilersuineq. Tulleriiaarineq tassaavoq suliaqartitsinissaq isumaasa tulleriiaarlugit aalajangersarneqarnerat.

Nalilersuineq nalinginnaasumik tulleriaarinissamut naleqqutissappat, neqeroorutitik nalilersuineri pointinut suussutsinulluunniit uuttuusiortoqassaaq. Neqeroorut pitsaanerpaaq tunngavissamut immikkoortumut aalajangersimasumut atasutut nalinga annerpaaffilerlugu, aammalu neqeroorutitut allanut nalikinnerusunut sanilliullugu naliliiniarnermi atornerqarsinnaavoq.

Naliliineq kinaassusersiorfiunngitsumik tunngaveqarsorineqaannaraangat aatsaat pointilersueriaatsimik, taamaalillunilu nalilersueriaatsimik atuisoqartarpoq. Akinut pointilersuisarneq ajornanngitsuvoq ataasiinnarmillu siunnerfeqartarluni, kisiannili "tunngavissamik qitunnerusunik" pointilersuisarnermi tunngaviusumik naliliinissaq apeqqutaasarpoq. Taamatut pointilersuisarnermi isertorluni neqerooruteqartumik ataatsimik salliutitsinissaq imaluunniit allamik ilaatitsinnginnissaq pingaaruteqarpoq.

Akit annertuumik assigiinngissuteqarpat, tunngavissat allat pissusiviusut tunngavigalugit nalilersorneqarnissaat pingaaruteqarpoq, taamaalilluni neqeroorut neqeroorummit allamit akisunerungaatsiartoq aatsaat tunngavissatigut allatigut ima pitsaanerutigiguni, allaat akit assigiinngissutaannut matussusiisinaalluni ajugaasinnaassalluni.

Tunngavissanut immikkoortut kisimik nalilersorneqarnissaat neqerooruteqartitsinissamut piumasaqaatini allassimassapput. Suussusilersuinissap pointilersuinissalluunniit ilisimatitsisutigineqarnissaa piumasaqaatigineqanngilaq. Kisiannili pointilersuinissaq neqerooruteqartitsinissamut najoqqussanut ilagitillugu saqqummiunneqarsimappat, tamanna maleqqissaarneqassaaq.

Neqeroorutitik nalilersuineq ersarissumik ingerlanneqassaaq, tassalu kinaassusersiunngitsumik aammalu assigiimmik pineqarnissamut tunngavissat ataqqillugit ingerlanneqassaaq.

Imm. 3

Imm. 3 malillugu neqerooruteqartup suliassaq naammaginatsumik pitsaassuseqartillugu, naapertuuttumik piffissarlu eqqorlugu suliarisinnaanngikkaa qularineqanngippat, neqerooruteqartitsisup neqeroorut tunuartissinnaavaa.

Inatsimmi § 14 isumaqatigiissusiornissamut pisussaaffiliivoq: Neqerooruteqartitsisup inatsisit malillugit suliariumannittussarsiuussineq atorunnaarsissinnaanngippagu, neqerooruteqartitsisup imm. 1 naapertorlugu tunniussinissamut tunngavissat malillugit suliaqkiissutissaq tunniutussaavaa. Inatsisitigut taamatut inissisimanerup kingunerisaanik kikkullunniit neqerooruteqartigisinnaasaannik tamanut ammasumik suliariumannittussarsiuussinermi tunngaviusumik nalornisoqartarpoq. Neqerooruteqartitsisoq iluanaarniamit akiliisinnaajunnaarsimsumilluunniit neqeroorutitik tigusinissamut pisussaatinneqassappat, tamatuma isumaliornartuunissaa tupinnanngilaq. Tamanna eqqarsaatigalugu § 14, imm. 3-mi tunuartitsisarnissamut malerua-gassamik immikkut ittumik aalajangersaasoqarpoq, taannalu malillugu neqerooruteqartup suliassaq naammaginatsumik pitsaassusilimmik, naapertuuttumik piffissarlu eqqorlugu suliarisinnaanngikkaa qularineqanngippat, neqerooruteqartitsisoq neqeroorummik tunuartitsisinnaavoq.

Neqerooruteqartup suliassaq naammaginatsumik pitsaassusilimmik, naapertuuttumik piffissarlu eqqorlugu suliarisinnaanngikkaa qularineqanngippat, tunuartitsinissamut piumasaqaatit qinigassatut allatut atuutissapput. Neqerooruteqartitsisoq uppersaasussaatitaavoq, aamma § 23, imm. 3 naapertorlugu qinnuteqartoqarneratigut aalajangiinnerminut tunngavilersuisussalluni.

Neqerooruteqartitsisoq peqataanissamut piumasaqaatinik aalajangersaasimannngippat, tamatumunngalu atatillugu uppersaatinik takutitsinissamik piumasaqarsimappat, neqerooruteqartitsisup § 14, imm. 3 malillugu naliliinissaq eqqarsaatigalugu neqerooruteqartoq suliaanut tunngatillugu paasissutissanik pisariaqartinneqartunik piumaffigisinnaavaa.

Tunuartitsisinnaatitaaneq neqeroorutip imaanut apeqqutinut tunngassuteqanngilaq, neqerooruteqartumilu pissutsinut tunngassuteqarluni. Taamaattumik neqerooruteqartup naliliiffigineqarnissaa neqeroorutit ammarneqannginnerini pisussaavoq.

Neqeroorutitik tunuartitsisinnaatitaaneq neqerooruteqartitsisup pisinnaatitaaffigaa. Neqerooruteqartut allat neqerooruteqartitsisup neqeroorummik tunuartitsinissaanik piumasaqarfigisinnaanngilaat.

Killilimmik suliariumannittussarsiuussinermi neqeroorutit neqerooruteqartunit, § 3, imm. 3 naapertorlugu toqqaannartumik neqerooqquneqarsimasunit tunniunneqartussaapput. Neqerooruteqartitsisup neqerooruteqarnissamut neqerooqqusinninnermini neqerooruteqartussat piginnaaneqarnerannik kinaassusersiunngitumik naliliisarnissaa anguniarneqartariaqassaaq, taamaalilluni neqerooruteqartitsisup kingusinnerusukkut neqeroorummik tunuartitsinissamut tunngavissarsinninnissaa anguneqassalluni. Taamaattumik § 14, imm. 3 killilimmik suliariumannittussarsiuussinermi atorneqassanngilaq.

Inatsimmi § 14, imm. 3 malillugu neqerooruteqartitsisup neqeroorut tunuartissinnaavaa, tassa-lu neqeroorutinit tiguneqartunit, tunniussinissamut tunngavissatut aalajangersarneqartut tunngavigalugit naliliiffiqineqartunit arlaat isumaqatigiissusiornissamut tunngavigineqassanersoq pillugu aalajangiinissamut ilaatinneqartussaajunnaarlugu. Kisiannili neqerooruteqartup sulias-samik “naammaginartumik pitsaassusilimmik” imaluunniit “naapertuuttumik” imaluunniit “piffissarititaasup iluani” suliaqarsinnaannginnissaa “qularnanngilluinnassasoq” § 14, imm. 3-mi piumasaqaatigineqarpoq. § 14, imm. 3-mi neqeroorummik tunuartitsinissamut piumasa-qaatit naammassineqarnerannut uppersaasuusussaq tassaavoq neqerooruteqartitsisoq.

Neqerooruteqartup neqeroorummini sulinini pillugu paasissutissiinissaanut piumasaqaatinik suliariumannittussarsiuussinermi piumasaqaatini ilaatitsinngitsoortoqarsinnaavoq. Taamatut pisoqartillugu neqerooruteqartitsisoq § 14, imm. 3 malillugu naliliinissani eqqarsaatigalugu neqerooruteqartup sulineranut paasissutissanik pisariaqartinneqartunik qinnuteqarnissamut pisinnaatitaavoq.

Neqeroorummik tunuartitsinissamut tunngavilersuutaasoq neqerooruterpiami nassaarineqarta-riaqassaaq. Kisiannili neqerooruteqartumi pissutsit tamakkiisut tamatumani pineqarpata, neq-erooruteqartup itigartinnissaanut inatsisitigut tunngavissaq siunnersuummi § 14-imi nassaari-neqassaaq.

Sanatitsisup neqeroorummik tunuartitsinerminut tunngavilersuutaa qinnuteqartoqarneratigut allaganngorlugu nassiunneqassaaq.

Suliakkiissutip pitsaanerpaamik neqerooruteqartumut tunniunneqarnissaanut tunngaviusunik saneqqutsinissaq tassani pineqarpoq. Taamaattumik aalajangersagaq annikillitsiviusutut paasineqassaaq. Neqerooruteqartunik toqqaasimanerup nalileqqinnissaanut aalajangersagaq atorneqarsinnaanngilaq, toqqaaneq § 12 malillugu toqqaannartumik saaffiginninnikkut, toq-qanissamulluunniit tunngavissat tunngavigalugit, imaluunniit §§ 10 aamma 11 malillugit piumasaqaatit minnerpaaffissaat tunngavigalugit pisimagaluarpat. Taamaattumik inatsimmi § 14, imm. 3 taamaallaat pissutsinut, neqerooruteqartitsisup neqerooruteqartunik toqqaanermi aalajangiiffisariaqanngisaanut atuutissaaq.

§ 15-imut

Imm. 1

Allanik qinigassartalinnik neqerooruteqartarneq tassaavoq neqeroorut, sanatitsisup neqerooru-teqartitsinermini neqerooruteqarnissamut tunngaviusuni immikkoortunik sukumiinerusumik taaneqartunik annertunerusumik uniuiffiusunik ilaqartinneqartoq. Neqeroorut tunuarsimaarfit-talik aamma tassaavoq neqeroorut, neqerooruteqartitsinermut tunngaviusunik uniuiffiusumik ilalik. Taamaattumik allanik qinigassartalinnik neqerooruteqarneq tunuarsimaarfiusunillu ne-qerooruteqarneq oqaasertamikkuq allaassuteqanngillat. Immikkoortitsinissaq taaguutitigut ersertarpoq. Allanik qinigassartalinnik neqerooruteqarnermi neqeroorut tunniunneqartoq nali-

nginnaasumik neqeroorummik, neqerooruteqartitsinermi piomasagaatit malillugit suliaasumik ilaqartinneqartarpoq. Tassalu marlunnik (amerlanerusunilluunniit) neqerooruteqartoqartarpoq.

Inatsimmi § 7, imm. 3 naapertorlugu assigiimmik pineqarnissamik tunngaveqarnerup atuuneratigut neqerooruteqartitsisoq neqeroorutini, neqerooruteqartitsinermi, tassungalu ilanngullugu neqerooruteqartitsinermi najoqqutassani piomasagaatit minnerpaaffissaannik uniuiffiusunik tigusaqarsinnaanngilaq.

Taanna tunngavigalugu § 15-imi aalajangersarneqarpoq, neqerooruteqartitsisup allanik qinigassartalinnik neqerooruteqarfiusut ilaatinneqarnissaat eqqarsaatigisinnaagaa, neqeroorutini piomasagaatinut minnerpaaffiusinnaasut neqerooruteqartitsinermi najoqqutassani allassimasut naammassineqarsinnaappata. Neqerooruteqartitsinermi piomasagaatini piomasagaateqarfiusoq aalajangersimasoq imaluunniit isumaqatigiissusiornissamut piomasagaatit assigisaalluunniit uniorneqarsinnaanngitsut ersarissumik allassimappat, piomasagaatit minnerpaaffilerneqarsimassapput.

Neqerooruteqartitsisoq neqeroorutini allanik qinigassartalinnik tiguisinnaasunngorlugu aalajangersagaq ilusiligaavoq. Taamaattumik “appasinnerpaamik akeqartitsinissaq” tunniussinissamut tunngavigineqartussaattillugu neqerooruteqartitsisoq appasinnerpaamik akeqartitsiniarluni neqeroorummut aaqqiissutissamik allamik toqqaanissamut, imaluunniit neqeroorummik, neqerooruteqartitsisup siunnerfigisaanit allaanerusumik tunngaveqartumik toqqaanissamut pisussaaffilerneqanngilaq. Paarlattuanik neqerooruteqartitsisup “aningaasaqarnikkut iluanaarnarnerpaamik neqeroorummik” allamik qinigassartalinnik, tunngavissatut immikkoortunik malinniffiusumik piomasagaatit minnerpaaffissaannik naammassinniffiusumik tiguisinissamut pisussaaffilerneqarnissaa eqqarsaatigineqarsinnaavoq.

Piomasagaatit minnerpaaffissaasa oqaasertaliornissaat pingaartumik aningaasaqarnikkut iluanaarnarnerpaamik neqerooruteqartitsinermi tunngavissat suliarineqarnerannut atatillugu suliarineqartarnissaat naatsorsuutigineqarsinnaavoq, tunngavissat taakkorpiaat tunngavigalugit neqerooruteqartup nammineerluni aaqqiissutissatut siunnersuummik ilusilersuinermit u-nammillersinnaaneq angusinnaammagu.

Neqeroorut qinigassamik allamik neqeroorutitalik teknikkikkut aaqqiinissamut taamatullu niuernikkut piomasagaatinut tunngasinnaavoq. Taaneqartumili kingullermi neqerooruteqartitsisup qanoq ilinerani piomasagaatit minnerpaaffissaat saneqqunneqarsinnaanersut paasiniarluartariaqarpaa.

Piomasagaatit minnerpaaffissaat qanoq neqerooruteqartitsinermit piomasagaatinik allassimassanersoq piomasagaatigineqanngilaq. Nalilersuinermit pisuni ataasiakkaani piomasagaatit minnerpaaffissaat, neqerooruteqartitsinermi piomasagaatinik tamakkiisunik uniuissinnaanermut akuerisaasumut killiliisut pingaartinneqassapput.

Imm. 2-mut

Imm. 2-mi tamakkiisumik pisuussuteqarnermut tunngatillugu neqerooruteqartitsisup neqerooruteqartitsinermit piomasagaatini allanik qinigassartalinnik neqerooruteqarnissaq mattussinnaagaa allassimavoq. Tassunga taarsiullugu neqerooruteqartitsisup piomasagaatit qinigassanik allanik neqerooruteqarnissamut atuuttussat allassinnaavai, assersuutigalugu neqerooruteqartitsinermit najoqqutassanik uniuinerit erseqqisummik nalunaarutigineqarnissaat, imaluunniit neqeroorutit allanik qinigassartallit neqerooruteqartitsinermi najoqqutassani nassuiaatinut

tamakkiisumik malinniffiusut neqeroorummik malitseqartinneqartarnissaat piumasarisinnaal-lugu.

§ 16-imut

§ 16 naapertorlugu neqerooruteqartitsisup appasinnerusumik neqerooruteqarnissaq tunngavi-gineqartussaaitillugu neqeroorutit, suliariumannittussarsiuussinermi neqeroorutinit allanit qaf-fasinnerusumik aningaasartalerneqartut isumaqatiginninniutigisinnaanngilai.

Appasinnerpaamik akeqartitsinissaq tunniussinissamut tunngavigineqarsimappat, appasinner-paamik akeqartitsiniarluni neqerooruteqartoq neqerooruteqartup allap appasinnerpaamik ake-qartitsilernissaminik periarfissinneqannginnissaanik piumasaqarsinnaavoq. Kisiannili neqe-rooruteqartitsisoq appasinnerpaamik neqerooruteqartumut isumaqatiginninniarsinnaanissaq eqqarsaatigalugu nammineerluni aalajangiisinnaavoq. Isumaqatiginninniarnertit neqeroorutit appartinnissaanut tunngasinnaavoq, tassani nalornissutaasut atorunnaarsinneqarnissaat ilaa-tinneqarlutik, aamma neqeroorutit annertusinissaanut tunngasinnaavoq, tassanilu sullissine-rup allangortinneqarnissaat annertusineqarnissaaluunniit tunngavigineqassaaq.

Aalajangersakkami neqerooruteqartunut allanut qanorluunniit isumaqatiginninniarnissaq iner-teqqutigineqarpoq, tassani isumaqatiginninniarnernut siunertaasoq apeqqutaatinneqarani.

Appasinnerpaamik neqerooruteqartoq isumaqatiginninniarnifigineqarsinnaasoq tassaavoq neqe-rooruteqartoq appasinnerpaamik neqerooruteqarsimasoq, neqerooruteqartitsisup naleqqutin-ngitsutut tunuartissallugu pisussaaffiginnigisaa. Neqerooruteqartitsisup neqerooruteqartoq, neqeroorummik neqerooruteqartitsinermi piumasaqaatini immikkoortunik tunngaviusunik uniuissimasoq isumaqatiginninniarnifigisinnaanngilaa.

Inatsit neqeroorutinit, neqerooruteqartitsinermi piumasaqaatinik uniuiffiusunut immikkut maleruagassanik imaqqanngilaa. Apeqqut taanna ilaatigut § 7, imm. 3 naapertorlugu assigiim-mik pineqarnissamut tunngavissami, ilaatigullu § 15 naapertorlugu neqeroorutinit qinigassa-nut allanut maleruagassani maleruagassiuunneqarpoq.

Assigiimmik pineqarnissamut tunngavissaq malillugu neqerooruteqartitsisoq neqeroorummik, neqerooruteqartitsinissami piumasaqaatit immikkoortuinut tunngaviliisunut uniuiffiusumik tigusinissaq pisinnaatitaaffiginnigilaa, tassungalu neqerooruteqartitsinermi piumasaqaatini piumasaqaatit minnerpaaffissaannik, qinigassatut allatut neqeroorummi naammassineqartus-samik uniuineq ilaavoq.

Sulinerlili uniuineq ima annertutiginersoq, allaat neqeroorut naleqqutinngitsutut tunuartinne-qartariaqarluni nalornissutigineqarsinnaavoq. Uniuineq annertunngippat neqerooruteqartitsi-sup neqeroorutit tigusinnaavaa, tamatumani neqerooruteqartitsisoq neqerooruteqartitsinermi najoqqutassani neqeroorutinit tamanik nalorninartoqartitsinini pissutigalugu tunuartsinissa-mik imminut pisussaaffilersimannigippat. Taannali unioqqutitsinermi neqeroorutit akornanni naapertuuttumik pissusiviusullu tunngavigalugit assersuussinissaq akornutissaqartinneqan-gippat aatsaat atuutissaaq. Tamatumani tunuarsimaartoqarpat, tassalu neqerooruteqartup ne-qeroorumminut atuutsitsiinnarnissamut piumasaqaateqarpat, assersuussinissaq eqqarsaatiga-lugu tunuarsimaarutaasup akia aalajangersarneqarsinnaassaaq.

Neqeroorummi tunuarsimaarutaasoq neqerooruteqartitsinermit tunngaviusumik annikitsuinnarmik uniuiffiugaluartoq, taamatut akimik alajangersaassalluni neqeroorullu eqqarsaatigissallugu neqerooruteqartitsisoq pisussaangilaq

Tassalu neqerooruteqartitsinermit tunngaviusumik annikitsuinnarmilluunniit uniuisoqaraluarpat, neqerooruteqartitsisup neqeroorummik atuutsitsinngitsoornissaa neqerooruteqartup naammattooratarsinnaavaa. tunuarsimaarfiusup annertussusissarpiaa aningaasaqarnikkullu isumarpiaa naliliiffigissallugu neqerooruteqartitsisumut ajornakusoorsinnaavoq, aammalu neqerooruteqartup toqqaannartumik attaveqarfigineqarneratigut isumaqatiginninniarnissamut suliariumannittussarsiuunneqartumullu tulleriarinissamut maleruagassat pissutaallutik apequt amerlanertigut aaqiiffigineqarsinnaasangilaq. Taamatut nalornissuteqarnerup kingunerisaanik neqerooruteqartitsisup aningaasaqarnikkut kingunerisassat eqqortut ilisimanagit neqeroorummik akuersinermini ajutooratarsinnaanermik tiguisarpoq. Tamatuma saniatigut annikitsumik uniuiffiusumik annikitsunnguugaluartunut aningaasaqarnikkullu naleqanngitsunut, imaluunniit aningaasaliiffigineqarsinnaasunut, kisiannili imamikkut neqerooruteqartitsisup ujtartugaanit allaanerusunut tunuarsimaarfeqartoqarsinnaavoq.

Kisiannili tunuarsimaarfiusoq ima annikitsigisinnaavoq, allaat neqerooruteqartitsisup neqeroorut ilaatissallugu pisussaaffilerneqarsinnaalluni. Neqerooruteqartitsisup naliliinini annertogatigimmik pissusiviusullu tunngavigalugit sulinissamut tunngaviliussat nalinginnaasut uniorlugit atorsinnaangilaa, tamatumani suliat ataasiakkaat nalilersorneqassapput, aammalu inatsisit malilluinnarlugit sulinissamut tunngaviliisinnaanatik.

Tunuarsimaarnermi neqerooruteqartitsinermit najoqqutassat ersernerlunnerat pissutaasimappat, tamatuma kingunerisaanik neqerooruteqartitsisoq tunuarsimaarneq tamanna pissutigalugu neqeroorutitik tunuartitsisinnaajunnaassaaq.

§ 17-imut

Imm. 1

Imm. 1-imi neqerooruteqartitsisup neqerooruteqartut pingasut sinnerlugit isumaqatiginninniarfigisinnaangikkai aalajangersarneqarpoq.

Neqerooruteqartut isumaqatiginninniarfigineqarnissamik kissateqarfigineqartut neqeroorutit ammarnerini imarisaat tunngavigalugit, neqeroorutit peqqussutinik naammassinniffiusut tamarmik akornanni tulleriarinikkut toqqarneqassapput. Taamatut tulleriarinermit ilaanneeriarluni teknikkimut tunngasunik misissuinissaq pisariaqartarpoq, kisiannili tamatumani neqerooruteqartitsisoq neqerooruteqartunut isumaqatigiissutaasimasinnaasut isumaqatiginninniar-nissavimmuut atuinissamik pisinnaatitaaffilerneqangilaq.

Teknikkimut tunngasunik misissuinerup nalaani neqerooruteqartut kajumissaarneqaratik imaluunniit neqerooruteqartitsisumit akuerineqarlutik neqeroorummik iluarsisamik nassiussisinaangillat, imm. 1 naapertorlugu suliariumannittussarsiuussinermit neqeroorutit tunniunneqartut akornanni tulleriarisooqartussaammat.

Tulleriarinermit neqeroorutit, ataatsimut isigalugit immikkoorlutilluunniit neqerooruteqartitsinermit najoqqutassanik annertuumik uniuiffiusumik imaqarnertik pissutigalugu neqerooruteqartitsisup eqqarsaatigissallugit pisussaaffiginnngisai ilaatinneqarsinnaangillat. Neqeroorutip naleqqutinngitsortai isumaqatiginninniarnikkut peerneqarsinnaangillat. Neqeroorutit qiner-

neqarsinnaasut allat, piunasaqaatit minnerpaaffissaattut piunasaqineqartunik naammassinnifiusut, aamma neqeroorutit neqerooruteqartitsinermut najoqqutassani piunasaqineqartunut uniuuppallaanngitsut, uniuineq akimut neqeroorutaasumut ilanngunneqarsimappat aningaasaliiffiqineqarsimappalluunniit eqqarsaatigineqarsinnaapput.

Neqerooruteqartup isumaqatiginninniarnernut peqataanissani pisussaaffiginngilaa. Neqerooruteqartup neqerooruteqartitsisumut isumaqatiginninniarnernut ilaanissamik kissaateqannginera tunngavigalugu, neqerooruteqartitsisup neqeroorut tunuartissinnaanngilaa. Neqerooruteqartup neqeroorutaata imaa allanngortinnagu neqeroorutunik inaarutaasumik nalilersuinerneqartut ilaatinneqarnissaa, neqerooruteqartup isumaqatiginninniarnersunnginnerata kingunerissavaa.

Imm. 2

Neqerooruteqartitsisup neqerooruteqartitsinermi najoqqutassani isumaqatiginninniarfissat pingasut isumaqatiginninniarfigineqannginnissaat aalajangiussimasinnaavaa imaluunniit pingasut inorlugit isumaqatiginninniarfigineqarnissaat aalajangiussimasinnaallugu, tamannalu pisimappat taamatut nalunaaruteqarnini allanngortissinnaanngilaa. Neqerooruteqartitsisup neqerooruteqartitsinermi piunasaqaatimini isumaqatiginninniarnissap ingerlanissaa malinneqartussa, tassungalu ilanngullugu isumaqatiginninniarnersinnaatitaanermut killiliunneqarsimasinnaasut allareersimannikkunigit, imm. 2 malillugu neqerooruteqartitsisup kingusinnerpaa-mik isumaqatiginninniarnernit aallartinnerini suleriaaseq malinneqartussa nalunaarutigissavaa.

Tamatununga atatillugu neqerooruteqartut isumaqatiginninniarfigineqartussat tamarmik neqeroorumminik iluarsinissamut periarfissinneqassasut neqerooruteqartitsisup nalunaarutigissavaa. Tassalu neqerooruteqartitsisoq neqerooruteqartunut pingasunut tamatigut isumaqatiginninniarternissamut pisussaaffilerneqanngilaq, tak. pingasunut “ikinnerusunulluunniit” amerlanerpaaffiliineq.

Neqerooruteqartut peerneqarsimannngitsut isumaqatiginninniarnersinnaatitaanernut ilaatinneqarnissaminut piunasaqarsinnaanngillat, tak. oqaaseq “isumaqatiginninniarnersinnaatitaavoq”. Neqeroorutit toqqarneqartut tamarmik isumaqatiginninniarnernut ilaatinneqassanngippata, neqerooruteqartitsisup neqeroorut (-rutit) pitsaanerpaaq (-paat) aallarniutigissavaa (-vai). Neqerooruteqartitsisup neqeroorut kajumissaarinertaqanngitsumik nassiunneqartoq ilaatissallugu pisussaaffilerneqassanngilaq. Aamma neqeroorutit iluarsaanneqarsimasut, isumaqatiginninniarnernup ingerlaneranut uniuuttumik saqqummiunneqartut, neqerooruteqartitsisup malinniarlugit nalunaarutigisaasa eqqarsaatigineqarnissaat assigiimmik pineqarnissamut tunngavissamut uniuussinnaavoq.

Imm. 3

Imm. 3-mi paasissutissat, neqerooruteqartut allat neqeroorutaannut tunngasut suut neqerooruteqartitsisup neqerooruteqartumut tunniussinnaanera killilerneqarpoq. Aalajangersakkami pingaartumik neqerooruteqartitsisup neqerooruteqartumut ataatsimut neqerooruteqartut allat neqeroorutaannut, imaluunniit neqerooruteqartut allat neqeroorutiminnik appaaniarnernut assigisaannilluunniit iliuuseqarniarnernut innersuussilluni neqerooruteqartut akornanni aaqqiaginnngisitsilinnnginnissaa siunnerfigineqarpoq.

Imm. 4

Imm. 4-mi isumaqatiginninniarsinnaatitaaneq killilerneqarpoq. Isumaqatiginninniarnit suliassap annertuumik allannguuteqarneranik kinguneqassanngillat. Aalajangersagaq § 7-imi assigiimmik pineqarnissamut tunngavissamut atasutut isigineqassaaq.

Suleqatigiissitsiniarluni suliariumannittussarsiuussinermi suliassaq tunngavimmigut aalajangersimasumik iluseqassanngilaq. Taamaattumik taamatut suliariumannittussarsiuussinermi neqerooruteqartitsisup oqaloqatigiinnissamut kajumissaarutaani piunasaqaatit qanoq annertutigisumik allanngortinneqarsinnaanissaannut killissarititaasut nikisinneqarsinnaasariaqarput.

Suliassanik tamanik suliaqarnissami suliassap qanoq ittuunera allanngortinngikkaluarlugu neqeroorutit annertuumik allanngortinneqarsinnaasariaqarput, allannguinerneq neqerooruteqarnissamut kajumissaarummi siunnerfiit ataqinneqarsinnaappata.

Siullermeerutaasumik neqerooruteqartitsinertaqanngitsumik killilimmik suliariumannittussarsiuussinermi neqerooruteqartitsisup nutaamik neqerooruteqartitsinissamik piunasaqarnissaa pisariaqalissappat, neqerooruteqartitsisup piunasaqaatai aamma annertungaatsiartumik allanngortinneqartariaqassappat, matumani neqerooruteqarusussinnaasut tunngavissanut allanut qisuariaateqarsinnaanaviannngimmata.

Aalajangersagaq aamma siunnersuummi § 15, imm. 1-imut, piunasaqaatit minnerpaaffigisinnaanissamut tunngasumut saneqqunneqarsinnaanngitsumut atasuuvoq. Piunasaqaatit minnerpaaffissaasa taakku aamma isumaqatiginninniarni ataqqineqarnissaat aallaavigineqartariaqassaaq.

Tunniussinissamut tunngavissat nalunaarutigineqartut allanngortinneqarnerinik isumaqatiginninniarnit inerneqassanngillat.

Aammattaq tunngavissat immikkoortuinik, isumaqatiginninniarfissanik toqqaanermi tunngavigineqartunik nalilersuinissaq tullerriarinnissarlunniit isumaqatiginninniarfissat akornanni toqqaanermi allanngortinneqassanngillat.

Kapitali 4-mut

Kapitali 4-mi suliaqartinniakkat ilisimatereerlugit neqerooruteqartitsisarnermut maleruagassat katersorneqarput.

§ 18-imut

§ 18-imi suliaqartinniakkat ilisimatereerlugit neqerooruteqartinneqartut taamaallat pingasut tikillugit amerlassuseqarsinnaanerat aalajangersarneqarpoq.

Pingasut amerlanerpaaffissaliunneqarput. Neqerooruteqartitsisup amerlanertigut ikinnerusut naammagisarpai, taamaalillunilu sapinngisamik annertunerpaamik unammillertitsinissamut piunasaqaat unioqutittarnagu.

Suliaqartinniakkat ilisimatereerlugit neqerooruteqartinneqartut pingasunut amerlanerpaaffilerneqarnerani "suliassaq ataaseq" neqerooruteqartinneqartarpoq. Neqeroorutit neqerooruteqartitsisup qinnutigisaanut uniuuttut killissarititaasup anguneqarsimaneramik naatsorsuiner-

mut ilaatinneqartanninnissaat tassani ilaapput. Kajumissaarineq neqerooruteqarnermik inerneqanngippat, kajumissaarinerpiaq taanna aamma ilaatinneqassanngilaq.

Suliassalli annikillineqaraluartut ataasiakkaat sullissinissamik neqeroorutaat assigiikkaangata “suliassaq ataaseq” tassani pineqassaaq. Neqerooruteqartitsinermi siunertaq ataasiusimappat taanna tassaassaaq “suliassaq ataaseq”.

Piffissap ingerlasup naanerani suliassamut ataatsimut suliaqartinniakkat ilisimatereerlugit neqeroortitseqqinnissamut neqerooruteqartitsisoq periarfissaqanngilaq. Taamaattumik neqerooruteqartitsisup suliaqartinniakkat ilisimatereerlugit neqerooruteqartitsinermini neqeroorutit tigusanu naammaginngikkuniuk, aammalu akit annerpaaffissaat anguneqareersimappat, neqerooruteqartitsisoq nutaamik suliariumannittussarsiuussisariaqassaaq.

§ 19-imut

§ 19-imi tunngaviusumik suliariumannittussarsiuussisoqartussaana aalajangersarneqarpoq. Neqerooruteqartitsisut §1, imm. 2, nr. 1-imi imaluunniit 2-mi ilaatinneqartut taamaallaat suliaqartinniakkat ilisimatereerlugit sanaartugassanut § 19, imm. 1, nr. – 5-imi sukumiisumik nassuiarneqartunut neqerooruteqartitsisinnaapput.

Nr. 1

Suliassanut minnernut neqerooruteqartitsinissamik suliariumannittussarsiuussinissamillu aallartitsinissaq naleqqutinnngilaq. Taamaattumik sanaartugassanut sananeqarnerminni katillugit 500.000 koruuninik aningaasartuuteqarfiusussanut suliaqartinniakkat ilisimatereerlugit neqerooruteqartinneqarsinnaapput. Aningaasat suliassami tamarmiusumi sanaartornermut aningaasartuutitut tunngasuussapput, suliassanut ataasiakkaanut tunngasuussanatik. Immikkoortukkaarluni sanaartornermi “suliassaq tamarmi” suliassanut ataasiakkaanut imaluunniit immikkoortunut tamanut atuutsinneqassanersoq aalajangiiffigineqassaaq.

Nr. 2

Nr. 2 malillugu atuutsitsinnginneq aamma sanaartukkap annertussusissaa, pitsaassusissaa piffissarluunniit atorineqartussaq aatsaat neqerooruteqartitsinermit tunngaviusuni ajornakusoor-torujussuarmik aalajangerneqarsinnaappat atuutissaaq. Aalajangersakkami nutarterinerit, iluarsaassinerit allannortiterinerillu aalajangersimasut ersarissorujussuarmik taaneqarput. Kiisalu aalajangersagaq suliassanut, soorlu anorlernerata kingorna nakkaattoorsinnaasunut isumannaallisaaneq eqqarsaatigalugu kinguartinneqarsinnaanngilluinnartunut tunngasuvoq.

Kiisalu aalajangersagaq misileraanernut, ilisimatusarnernut ineriartortitsinernullu tunngasuvoq, suliassat taaneqartut piffissaq nassuiaatillu eqqarsaatigalugit neqerooruteqartitsinissamut tunngavissamut naleqqussarneqarsinnaannginnerat eqqarsaatigineqarluni.

Nr. 3

Nr. 3-mi suliariumannittussarsiuussinermi neqeroorutinik naleqquttunik takkuttoqarsimanginnissaa tunngavigineqarpoq, kisiannili aamma killilimmik siullermeerutaasumik neqeroo-

ruteqartitsinertalimmik suliariumannittussarsiuussinermi ilaatinneqarnissamut qinnuteqaatinik tigusaqarsimannginnissaq tunngavigineqarluni.

Neqeroorut naleqqutinngitsaq tassaavoq neqeroorut annertuallaamik aningaasartalerneqartoq.

Kiisalu neqeroorutit tiguneqartut peqqussutinik malinniffiusimanngitsut aalajangersakkami pineqarput. Neqeroorutit peqqussutinik malinniffiusimanngitsut tassaapput neqeroorutit, tunuarsimaarneq allatigulluunniit neqerooruteqartitsinermi piumasaqaatinik uniuuisimaneq pissutigalugu tunuartinneqartussat.

Nr. 3-mi

Sulariumannittussarsiuussinermi neqeroorummik piukkunnaatilimmik peqqussutillu malillugit tunniussisoqaannarsimappat, imaluunniit siullermeerutaasumik neqeroortitsinermi qinnuteqaammik ataasiinnarmik tiguisoqarsimappat nr. 3-mi ilaatitsinnginnissaq atorneqarsinnaangilaq.

Nr. 4

Nr. 4-mi suliffeqarfik ataasiinnaq suliassamik isumaginnittussaatiillugu neqerooruteqartitsisoq nammineq isummani malillugu naliliisinnaangilaq. Naliliinermi pissutsit piviusut tunngavigineqassapput. Aalajangersakkami suliffeqarfiup aalajangersimasup suliassanut aalajangersimasunut kisermaassisinnaatitaanissaa, imaluunniit sullissineq immikkooruteqarluinnartuunissaa, taamaattumillu suliffeqarfimmit ataasiinnarmit naammagintumik suliarineqarsinnaanissaa siunnerfigineqarpoq.

Nr. 5

Entreprenørimut suliaqareersumut suliaanut ingerlanneqartumut nangissutitut suliamik tunniussinissap pissusissamisoorinnaanera "Pissutsinut immikkut ittunut" assersuutitut taaneqarsinnaavoq. Sanaartukkami nutaami natilersuinerup ingerlasup naammasseqqammersulluunniit ininik allanik x-inik amerlassusilinnik ilaneqarnissaa suliamut taamaattumut assersuutigineqarsinnaavoq.

Sanaartugaq sanaartukkap ineriartortinneqarnissaanik annertuumik siuarsaanissaq siunertaralugu misileraanermut tunisassiornerulluunniit ineriartortinneqarneranut atatillugu sanaartorneq assersuutitut taaneqarsinnaavoq. Sanaartukkani taamaattuni sanatitsisup aamma entreprenør / tunisassiortup sanaartukkap ilusilersorneqarneranut tunngatillugu qanittumik suleqatigiinnissaat anguniarneqartarpoq. Tamatuma saniatigut ajutoorfiusinnaasut, immaqalu misileraanermut ineriartortitsinermullu aningaasartuutissat akilerneqarnissaat pillugit immikkut isumaqatigiissuteqarnissaq pisariaqarsinnaavoq. Taamaattumik amerlanertigut sanaartukkap ingerlanneqarnissaa pillugu illuatungeriit akornanni toqqaannartumik isumaqatiginninniartarnissaq, tassalu suliaqartinniakkat ilisimatereerlugit neqeroortinneqarnissaat naleqqunnerpaasarpoq.

§ 20-mut

§ 18 naapertorlugu neqerooruteqartitsisup neqerooruteqarnissamut kajumissaarinermi akit unammilliutigineqassanersut imaluunniit pitsaassuseq unammilliutigineqassanersaq ilisimatissutigissavaa.

Suliaqartinniakkat ilisimatereerlugit neqerooruteqartitsinermi tunniussinissamut assigiimillu pineqarnissamut tunngavissanik aalajangersaanissaq pillugu aalajangersakkap atuutilerneratigut, qinigassatut allatut neqeroorutit eqqarsaatigalugit taamaallaat § 15-imi aalajangersakkat malinneqartassapput, naak aalajangersakkat taakku oqaasertaat taamaallaat suliariumannittussarsiuussinermi neqeroorutinut tunngagaluartut. Qinigassanut allanut suliaqartinniakkat ilisimatereerlugit killeqanngitsumik neqerooruteqartitsisoqartassappat, tunniussinissamut tunngavissat aalajangersarneqareersut tunngavigalugit suliaqartinniakkat tunniussisarnissap piumasarineqartarnissaa amigaatigineqartussaavoq.

Tassalu suliaqartinniakkat suliariumannittussarsiuussinermi aamma suliaqartinniakkat ilisimatereerlugit neqeroortitsisarneq annertunerusumik assigiinngissuteqanngillat. Taakku assigiinngissutaat aneq tassaavoq, suliaqartinniakkat ilisimatereerlugit neqerooruteqartitsisarnermi piffissaliilluni neqerooruteqartitsisoqartannginnera aammalu neqeroorutit ataatsikkut ammarneqartannginnerat.

§ 21-mut

Aalajangersakkami inatsimmi § 14, imm. 3-mi neqeroorutinut appasippallaanut il.il. maleruagassap assinga aalajangersarneqarpoq, tak. § 14, imm. 3-mut oqaaseqaatit.

Taassuma kingunerisaanik suliaqartinniakkat ilisimatereerlugit neqeroortinneqarnerini neqeroorut imaluunniit neqeroorutit atorunnaarsinneqarsinnaanngillat. Tassalu neqerooruteqartitsinerup atorunnaarsinneqarnissaanut . § 23, imm. 1, aammattaaq suliaqartinniakkat ilisimatereerlugit neqeroortinneqarnerannut atuuttoq atuuttoq pissusiviusunik tunngavissaqanngippat, imaluunniit § 21 naapertorlugu neqeroorutit tunuarinneqarnissaanut periarfissaqanngippat inniminniisoqassaaq.

Kapitali 5-imut

Kapitali 5-imi isumaqatigiissutinut immersugassanut maleruagassat katersorneqarput. Isumaqatigiissutaasup nalinga il.il. apeqqutaallutik suliariumannittussarsiuussineq tunngavigalugu imaluunniit suliaqartinniakkat ilisimatereerlugit neqerooruteqartitsineq tunngavigalugu isumaqatigiissutinut immiussassat isumaqatigiissutigineqarsinnaapput.

§ 22-mut

Imm. 1

Isumaqatigiissutit immersugassat imamikkut isumaqatigiissutinut allanit, inatsimmi maleruagassiuunneqartunit allaanerunngillat, killissarititassatut isumaqatigiissutit immikkoorutaat imm. 1-ip oqaasertaani, tassalu “suliaqarsinnaaneq”, takuneqarsinnaammata.

Isumaqatigiissutit immersugassat tassaapput isumaqatigiissutit illuatungaannaanut suliaqartinniakkat, tassanilu illuatungiliuttoq, tassalu sanatitsisoq, illuatungiliuttumut, tassalu entreprenørimut, piunnaqatit sukumiisumik isumaqatigiissutigineqartut tunngavigalugit sullissinermik sukumiisumik isumaqatigiissutigineqartumik sullinneqarnissamik inniminniinissamut pisinnaatinneqarpoq. Entreprenøri suliaqarnissamut piunnaqatit inatsisitigut tunngavissaqanngilaq, aammalu sanatitsisoq sullinneqarnissamik suli inniminniinngitsoq isumaqatigiissut immersugassaq naappat, entreprenøri tamanna tunngavigalugu isertitassanut annaasanut matussutissanik taarsiiffigineqarnissamik piunnaqateqarsinnaanngilaq.

Isumaqatigiissutit immersugassat qinigassatut isumaqatigiissutinut assingusuupput, taamatullu atuullutik. Isumaqatigiissutit immersugassat qinigassanullu isumaqatigiissutit assigiinngissutigaat, isumaqatigiissutit immersugassat kisimiissinnaammata, qinigassatullu isumaqatigiissutit isumaqatigiissummut allanut ataasuusarput, pisinnaatitaaffeqartitaasullu sullinneqarnissamut isumaqatigiissutaqqaartoq annertusisinnaallugu.

Isumaqatigiissummi immersugassami sanatitsisoq sullinneqarnissamik inniminniinissamut pisussaaffilerneqanngilaq. Taamaattumik pisortani neqerooruteqartitsisup isumaqatigiissut immersugassaq tunngavigalugu suliassatut inniminnersinnaagaluarlugu, suliassamut suliariumannittussarsiuussinissamik aallartitsinissaa akornutissaqanngilaq.

Isumaqatigiissutit immersugassat taamaallaat neqerooruteqartup ataatsip suliffeqarfiullu ataatsip akornanni isumaqatigiissutigineqarsinnaapput. Aalajangersakkami isumaqatigiissutit immersugassat aallaqqaammulli illuatungeriittut akornanni atuussinnaanerat aalajangersarneqarpoq, tassalu illuatungiliuttut allat isumaqatigiissutinik immersugassamik atuisinnaanngillat. Tassalu allat assersuutigalugu suliariumannittussarsiuussinissaq pinngitsoorniarlugu isumaqatigiissut tunngaviginiarsinnaanngilaat.

Imm. 2

Isumaqatigiissut immersugassaq sivisunerpaamik ukiuni sisamani atuutissaaq. Ukiut sisamat qaangiuppata, imaluunniit piffissaq atuutsivissaq sukumiinerusumik isumaqatigiissuteqarfiusoq sivikinnerusoq qaangiuppat, isumaqatigiissut immersugassaq immikkut ittumik atorunnaarsitsinissamik nalunaaruteqartoqanngikkaluartoq atorunnaassaaq.

Kapitali 6-imut

Neqerooruteqartitsereernermi neqerooruteqartitsisup paasissutissiisussaataitaneranut tunngaviliisussatitaanerannullu maleruagassat ataatsimut katersorneqarput.

§ 23-mut

Imm. 1

Imm. 1 neqerooruteqartut suliassamik tunniussinissamut atatillugu qanoq aalajangertoqarsimaneranik ilisimatinneqarnissaannut pisussaaffeqarnermut tunngasuvoq.

Neqerooruteqartitsisoq neqerooruteqartitsereernermini nammineerluni aalajangiineq pillugu neqerooruteqartunut nalunaaruteqarnissamut pisussaavoq. Neqerooruteqartitsineq suliassamik tunniussinermik imaluunniit suliariumannittussarsiuussinerup taamaatinneqarneranik ineqaraluarpalluunniit pisussaaffik taanna atuutissaaq.

Nalunaaruteqartussaataaneq akit pillugit unammilleqatigiissitsinermut aamma pitsaassuseq pillugu unammilleqatigiissitsinermut atuutissaaq.

Imm. 1 naapertorlugu neqerooruteqartitsisoq marloqiusamik pisussaaffeqarpoq. Ilaatigut suliassamik tunniussinermut tunngatillugu aalajangiinermik nalunaaruteqarnissaq pisussaafigaa. Nalunaaruteqartussaanerme tassani tunngavilersuisoqassanngilaq. Ilaatigut suliariumannittussarsiuussineq imaluunniit suliaqartinniakkat ilisimatereerlugit neqerooruteqartitsineq taamaatinneqarsimappat tamatumunnga tunngaviusoq nalunaarutigissallugu pisussaaffeqarpoq.

Neqerooruteqartut tamarmik ilisimatineqassapput, tassalu aalajangersagaq aamma neqerooruteqartunut, neqerooruteqartitsisup piukkunnaateqanngitsutut isigisaanut imaluunniit neqeroorutitut arlaannik pissuteqartumik itigartinneqartunut atuutissaaq.

Suliassamik tunniussineq, tassalu suliassamik tunniussinissaq aalajangerneqarsimappat, tamanna pillugu aalajangiinerup kingorna pilertornerpaamik nalunaarutigineqassaaq, aammalu isumaqatigiissutit atsiorneqarnissaata tungaanut ilisimatitsinissap utaqqissunneqarnissaa unioqqutitsineruvoq.

Piffissarititaasup malinneqarsimaneranut uppersaasiinissaq eqqarsaatigalugu tunniussinissamut aalajangiinerup qanga pisimaneq uppersaassallugu pingaaruteqarpoq. Uppersaattissaqarnissaq pissutigalugu suliassamik tunniussinerup allakkatigut nalunaarutigineqartarnissaa inassutigineqarpoq.

Suliassamut tunngasunik pissuteqartumik neqerooruteqartitsisup neqerooruteqartitsineq unitsinnaavaa. Imm. 1-ip naanerani allasimasutut taamaatitsineq qinnuteqartoqarnissaa utaq-qeqqaarnagu nalunaarutigineqassaaq. Tassani ilaatigut suliamut tunngasunik pissuteqartumik taamatitsisoqarsinnaanera pineqarpoq.

Suliariumannittussarsiuussineq imaluunniit suliaqartinniakkat ilisimatereerlugit neqerooruteqartitsineq unitsinneqarsimappat, taamaalillunilu tunniussinissaq aalajangerneqarsimanngippat, ilisimatitsissut aamma aalajangernermut tassunga tunngaviummik imaqassaaq. Neqerooruteqartitsisup sapinngisamik pilertornerpaamik tunngavilersuummik pisariaqartinneqartumik nalunaaruteqarnissaq pisussaaffigaa. Tassalu neqerooruteqartoq tunngavilersuiffigineqarnissamik qinnuteqassanngilaq.

Aalajangernermut tunngavilersuutaasooq taamaalillunilu pissutaasooq suliamut tunngasuussaaq. Kiisalu tunngavilersuutaasooq aalajangersimasumut tunngassaaq eqqortuussallunilu. Suliamut tunngatillugu tunngavilersuutaasooq assersuutigalugu aamma tassaasinnaavoq naleqquttumik, suliassamik tunniussinissamut tunngaviliisinnaasumik neqerooruteqartoqarsimannginnera. Tassunga aamma ilaatigut neqeroorutit aningaasaliissutitut killiliussanut naleqqiullugu qaffasippallaanik aningaasartallit ilaapput, neqerooruteqartitsisooq tunngaviatigut aningaasaqarnikut piumasarisasut aningaasaliissutitigut matussutissaqartinneqartut sinnerlugit aningaasartallit atortussaatinnaannut pisussaaffeqanngimmat.

Tunngavissanik allannguini nutaamik suliariumannittussarsiuussinissaq imaluunniit suliaqartinniakkat ilisimatereerlugit neqerooruteqartitsinissaq siunertaralugu suliariumannittussarsiuussinermik taamaatitsineq tunngavimmigut sulianut tunngasunik tunngavilersorneqassanngilaq. Tamanna pissappat neqerooruteqartut nutaat siornatigut neqerooruteqarsimasut neqeroorutaannik ilisimannereerlutik neqerooruteqartarnissaat tamatumani tunngavigineqarpoq. Taamaalilluni § 7, imm. 2 naapertorlugu assigiimmik pineqarnissamut tunngavissat unioqqutinneqassapput.

Taamaatitsinermi tunngavissanik allannguiffiusumik neqerooruteqartitsinissamik nutaamik aallartitsinissaq, imaluunniit isumaqatigiissisiornissap taamaatinneqavinnissaa siunertarinnerneqarsimappat, tunngavilersuut taanna piviusorsioruussaaq.

Imm. 2

Imm. 2-mi neqerooruteqartitsisup qinnuteqartut, siullermeerutaasumik neqerooruteqartitsinermi sooq peerneqarsimanerat pillugu nalunaartussaataitanera aalajangersarneqarpoq. Qinnu-

teqartut taakku aamma qinnuteqarnermikkut sooq siullermeerutaasumik neqerooruteqartitsi-
nermi ilaatinneqarsimannginnertik pillugu tunngavilersuummik pissarsisinnaapput.

Taamatuttaaq pisoqartillugu qinnuteqartut kikkut neqerooruteqarnissamut kajumissaarneqas-
sanersut pillugit aalajangernermit piaarnerpaamik ilisimatitsissoqartoqassaaq. Imm. 2 naaper-
torlugu nalunaarummi tunngaviatigut tunngavilersuisoqassanngilaq, kisiannili qinnuteqartoq
peerneqartoq kinaluunniit tunngavilersuiffiqineqarnissamik piunasaqarsinnaatitaavoq.

Imm. 3

Imm. 3-mi neqerooruteqartitsisup qinnuigineqarnermigut sooq neqeroorut suliariumannittus-
sarsiuussisarneq pillugu § 14, imm. 3 imaluunniit suliaqartinniakkat ilisimatereerlugit neqe-
roortinneqartarnerat pillugu § 21 naapertorlugu peerneqarsimanersoq tunngavilersuisussaati-
taanera aalajangersarneqarpoq.

Taamatut tunngavilersuineq neqeroorutit itigartitsinissamut piunasaqaatinut attuumassute-
qassaaq, aammalu sooq neqerooruteqartitsisup neqerooruteqartoq suliamik naammaginaru-
mik pitsaassusilimmik, imaluunniit naleqquttumik illersorsinnaasumillu, piffissarititaasullu
iluani suliaqarsinnaanngitsutut isumaqarfigineraa nassuiarneqassalluni.

§ 24-mut

Imm. 1

Imm. 1-imi aningaasaqarnikkut iluanaarnerpaamik neqerooruteqarnissaq tunniussinissamut
tunngavigineqartussaatiillugu, tunngavilersuinissamut maleruagassat immikkut ittut aalaja-
ngersarneqarput.

Imm. 2

Imm. 2 naapertorlugu neqerooruteqartitsisup kingusinnerpaamik isumaqatiginninniarnit
aallartinneranni qaaqquneqarsimannginnermut tunngavisoq neqerooruteqartunut attuumassu-
teqartunut tamanut tunngavilersorlugu nalunaarutigissavaa. Aamma nalunaaruteqartussaati-
taaneq tunngavilersuisussaataanerlu neqerooruteqartunut, neqerooruteqartitsisup naleqquttu-
tut isumaqarfiginngisaanut atuuppoq.

Tunngavilersuut taanna aalajangernermit tunngaviusumik imaqassaaq, taamaattumillu tun-
ngavilersuinissamut qinnuteqaammik saqqummiussisoqarsimanissaa tassani piunasaqaataa-
nngilaq.

Imm. 3

Imm. 3 naapertorlugu neqerooruteqartitsisup isumaqatiginninniarnit naammassineranni er-
ngerluni neqerooruteqartut isumaqatiginninniarfigineqarsimasut, imaluunniit neqerooruteqar-
titsisup § 17, imm. 2 naapertorlugu isumaqatiginninniarfissatut piareersimatissimasani neqe-
rooruteqartup akuerineqartup piginnaasai annertuumillu iluaqutissartai pillugit ilisimatissavai.
Taamatut ilisimatitsissuteqarneq aatsaat isumaqatiginninniarnit tunniussinissamut aalaja-
ngiiffiusut naammassinerini pisinnaavoq. Paasissutissat taamaattut kajumissaarinertaqanngit-
sumik tunniunneqassapput.

Aamma neqerooruteqartut, piukkunnaateqanngitsunik neqerooruteqarsimanertik pissutigalugu
itigartinneqarsimallutik isumaqatiginninniarfigineqarsimanngitsut tunngavilersuiffiqineqarlutik
ilisimatinneqassapput.

Tunngavilersuinermi sooq neqerooruteqartoq immikkoortinneqartoq, taamaalillunilu neqeroorutaa § 17 naapertorlugu aningaasaqarnikkut iluanaarnernerpaamik neqerooruteqartut amerlanerpaamik pingasuusut akornannut ilineqarsimasooq nalilersuiffigineqarsimanginnersoq oqaatigineqassaaq.

Imm. 4

Isumaqaatiginninniartoqarsimangippat, neqerooruteqartut piunasaqaatinik naammassinnissimasut imm. 4 naapertorlugu piunasaqarnermikkut neqerooruteqartup ajugaasup piginnaasai annertuumillu iluaquteqarfigisai pillugit paasissutissinneqarsinnaapput.

Taamatut nalunaaruteqarnissamut pisussaaffik taamaallaat neqerooruteqartunut, neqerooruteqartitsinermi piunasaqaatinik naammassinnissimasunut atuuppoq, taamaattumillu neqerooruteqartut piunasaqaatinik naammassinnissimangitsutut itigartinneqartut imm. 4 naapertorlugu ilisimatinneqartussaangillat. Neqerooruteqartulli taakku § 23, imm. 1 naapertorlugu itigartinneqarnerminnik ilisimatinneqartussaapput.

§ 25-mut

Imm. 1

Naalackersuisut Neqerooruteqartitsisarnermut Maalaaruteqartarfimmik pilersitsisinaanissaat siunnersuutigineqarpoq. Neqerooruteqartut sanaartugassanik neqerooruteqartitsisut pillugit ataatsimiititaliamut suliamut ilisimasalinnut, aaqqiagiinnngissutinik suliaqarnissamut pisariqartinneqartunik piginnaaneqartunut maalaarutiginnissinaanissaat Neqerooruteqartitsisarnermut Maalaaruteqartarfiup pilersinneqarnerani siunertarineqarpoq. Neqerooruteqartitsisarnermut Maalaaruteqartarfik sulinermini Naalackersuisunut, Neqerooruteqartitsisarnermut Maalaaruteqartarfiup suliaminik ingerlatsineranut naalakkiinissamut piginnaatitaangitsunut qilersorsimangilaq.

Neqerooruteqartitsisarnermut Maalaaruteqartarfimmi suliaqarneq tunngaviumik inatsimmi § 63 naapertorlugu eqqartuussivinnut ingerlatitseqqissinnaaneq mattunneqangilaq.

Imm. 2-mut

Neqerooruteqartitsisarnermut Maalaaruteqartarfimmi ilaasortat tassaaneqat siulittaasooq ataa-seq, ilaasortat marluk aamma siulittaasumut sinniisissaaq ataa-seq amerlanerusulluunniit aalajangersakkami aalajangersarneqarpoq. Ilaasortat marluk neqerooruteqartitsisarnermi sulianut ilisimaqartuussapput. Tamanna Neqerooruteqartitsisarnermut Maalaaruteqartarfiup sulineranut pingaaruteqarpoq, neqerooruteqartitsisarnerit neqerooruteqartitsisarnerup teknikkimut tunngasortai eqqarsaatigalugit pisariusuummata. Siulittaasooq ilaasortallu marluk ukiuni sisamani atuuttussatut toqqarneqartassapput, qinigaaqqinnissamut periarfissaqartinneqassallutik.

Imm. 3-mut

Landsdommerip Neqerooruteqartitsisarnermut Maalaaruteqartarfimmi siulittaasussamik sinniisissaanilu toqqaasarnissaani, siulittaasutut toqqakkap Kalaallit Nunaanni Namminersornellutik Oqartussat allaffissornerannut politikikkullu sulinerannut attuumassuteqartinneqanginnissaa siunertarineqarpoq. Siulittaasutut toqqagaq taassumalu sinniisissaatut toqqarneqartut inatsilerituutut atorfilittut soraarummeersimasussaapput. Neqerooruteqartitsisarnermut Maalaaruteqartarfiup eqqartuussiviit nalinginnaasut saniatigut qinigassaasinnaasutut eqqartuussivittut iluseqarnissaa siunertarineqarmat, siulittaasup tassungalu sinniisissat toqqarneqartut eqqartuussisunut fuldmægtiginik toqqaasarnermi piginnaasatigut misilittakkatigullu tun-

ngavissatut piumasarineqartut sapinngisamik assiginginik piginaaneqartarnissaat siunertarineqarpoq.

Neqerooruteqartitsisarnermut Maalaaruteqartarfimmi ilaasortassat sinneri sapinngisamik inuit sanaartornermik ilisimasaqartut akornanni toqqarneqartassapput, inuit taakku suliassanik neqerooruteqartitsisarnerup teknikkimut tunngasortaanut pisariusunut, Neqerooruteqartitsisarnermut Maalaaruteqartarfimmut suliakkiissutigineqartartunut paasisimaarinnittuusarmata ilisimasaqartarlutillu, taamaalillutillu sularinnissinnaasarlutik.

Imm. 4-mut

Imm. 4-mi Neqerooruteqartitsisarnermut Maalaaruteqartarfimmi ilaasortat sinneri marluk Kalaallit Nunaanni sanaartornermik suliallit inassuteqarnerisigut Naalakkersuisunit toqqarneqartarnissaat aalajangersarpoq. Toqqaanermi najukkani suliassaqqarfimmut soqutigisanut attuumassuteqannginnissaq pingaartinneqassaaq, taamaattumillu ilaasortassanik Kalaallit Nunaanni najugaqartuunngitsunik toqqaasarnissaq pisariaqarsinnaavoq. Suliassaqqarfimmi suliqatigiiffimmik inassuteqarsinnaasumik soqanngippat, suliffeqqarfinit sanaartornermik suliqartunit inassuteqaatinik pissarsiniarnissaq Naalakkersuisut suliassaraat. Suliffeqqarfinit sanaartornermik suliqartunik oqarnermi suliffeqqarfiit, annertunerusumik sanaartornermi suliassanik *suliqaqarnermik* niueruteqartut eqqarsaatigineqarput.

Naalakkersuisut ilaasortassanik, sanaartornermik suliqartunit inassutigineqanngitsunik toqqaasinnaanngillat.

§ 26-mut

Imm. 1

Neqerooruteqartitsisarnermut maleruagassanik unioqqutitsisoqarsimanersooq pillugu aalajangiinissaq maalaarutitik suliqaqarnermi siunertarineqarpoq.

Aalajangersakkami Neqerooruteqartitsisarnermut Maalaaruteqartarfiup suliassai pingaarnit aalajangersarneqarput. Maalaaruteqartarfiup inatsimmik maleruagassanillu inatsit naapertorlugu sularineqarsimasunik unioqqutitsinerit sularisartussaavai.

Imm. 2

Neqerooruteqartitsisarnermut Maalaaruteqartarfiup pissutsinut imm. 1-imi taaneqartunut maalaarutinut aalajangiinerisa, maalaarutip Neqerooruteqartitsisarnermut Maalaaruteqartarfimmut saqqummiunneqarneraniit kingusinnerpaamik qaammatit pingasut qaangiunnerini pisarnissaat anguniarneqassasoq aalajangersakkami allassimavoq.

Neqerooruteqartitsisup aamma neqerooruteqartup aalajangiinerit malillugit aqqiisinnaanissaat tamatumunnga tunngavigineqarpoq. Sulariumannittussarsiuussinermi ajugaasup sanaartugassaq tunniunneqartoq aallartissinnaasariaqarpaa, neqerooruteqartitsisoq aalajangiineq tunngavigalugu aqqiisinnaasariaqarpoq, tamanna suliap ingerlanneqarnerani aningaasaqarnikkut pingaaruteqarsinnaammat, aammalu maalaaruteqartup piffissap naammaginartup iluani aalajangiisoqarnissaa naatsorsuutigisinnaasariaqarpaa.

Imm. 3

Imm. 3-mi Naalakkersuisut Neqerooruteqartitsisarnermut Maalaaruteqartarfimmut allatseqarnikkut ikiunnissamut pisussaaffilerneqarput. Allatsitut ikiortaasoq Neqerooruteqartitsisar-

nermut Maalaaruteqartarfiup ataatsimiinnissaanut piareersarnermut ingerlatsinermullu suleqataasassaaq.

Allattoqarfiup Neqerooruteqartitsisarnermut Maalaaruteqartarfimmi aalajangiinerit ingerlaqqinnissaat isumagissavaa.

Maannarpiaq allattoqarfivimmik pilersitsinissaq naatsorsuutigineqanngilaq, allatseqarnermi ikiortaasut inunnit, sukkulluunniit Siunnersuisoqatigiinnut Ataatsimiititalianullu Aqutsisoqarfimmi, maannarpiaq Inuussutissarsiornermut Naalackersuisoqarfiup ataani inissisimasumi atorfeqartunit suliarineqartarnissaat naatsorsuutigineqarmat.

Kiisalu imm. 3-p atulerneratigut Neqerooruteqartitsisarnermut Maalaaruteqartarfimmi ilaasortat Inatsisartuni Naalackersuisunilu il.il. ilaasortanut akissarsiaqartitsineq il.il. pillugit Inatsisartut inatsisaat naapertorlugu akissaasersorneqassapput. Neqerooruteqartitsisarnermut Maalaaruteqartarfimmi suliat annertuujunerat, taamaattumillu ilaasortat maalaaruteqartarfimmi ilaasortatut atuutissagunik akissaasersorneqartariaqarnerat tamatumunnga tunngavigineqarpoq.

Imm. 4

Imm. 4-mi Neqerooruteqartitsisarnermut Maalaaruteqartarfik sulinini pillugu ukiumoortumik Naalackersuisunut nalunaarusiortarnissamut pisussaaffilerneqarpoq. Tamatumani ilaatigut Naalackersuisut Neqerooruteqartitsisarnermut Maalaaruteqartarfiup suliaasa annertussusaanik atornerarneranillu ilisimatineqarnissamik pisariaqartitsinerannik tunngaveqarpoq, Naalackersuisut taamaalillutik suliaasinnaasut suut akulikitsumik suliarineqartarnersut, inatsisillu atuunnerani naapertuutinningsunik aqqiisinnaanermut tunngaviliisinnaasut pillugit ilisimatineqarsinnaassammata.

§ 27-mut

Imm. 1

Suliaq allakkatigut suliarineqassaaq. Suliaq piareersarneqarnerani allattoqarfiup paasissutissat, Neqerooruteqartitsisarnermut Maalaaruteqartarfiup aalajangiinnissaanut attuumassuteqartut suliamut ilaatinneqarnissaat isumagissavaa. Suliaq allakkatigut piareersarneqassaaq, isumaqatiginninniarnerillu oqaluinnarluni ingerlanneqassallutik, tamatumani Neqerooruteqartitsisarnermut Maalaaruteqartarfiup suliaq allakkatigut ingerlanneqassasoq isummersimangippat.

Suliami aalajangiinerup allakkatigut nalunaarutigineqarneratigut suliaq naammassineqassaaq, taamaalillunilu Maalaaruteqartarfiup aalajangiinera illuatungeriinnut pineqartunut allakkatigut uppersarneqassalluni.

Imm. 2

Aalajangersakkami Neqerooruteqartitsisarnermut Maalaaruteqartarfiup paasissutissanik, aalajangiinissaq siunertaralugu atuumassutilittut nalilerneqartunik neqerooruteqartitsisumit neqerooruteqartunillu pissarsiniarsinnaanissaa aalajangersarneqarpoq. Neqerooruteqartitsisarnermut Maalaaruteqartarfik taamaalilluni maalaaruteqartup tungaaniit tunngavilersuutaasunut najoqqutassatullu nassiunneqartunut qilersorsimassanngilaq. Neqerooruteqartitsisarnermut Maalaaruteqartarfik nakkutilliisutut inissisimavoq, taamaattumillu Neqerooruteqartitsisarnermut Maalaaruteqartarfiup nammineerluni apeqqutit suliamut pineqartumut pingaaruteqartut misissuiffigisinnaavai.

Imm. 3

Imm. 3-mi Naalackersuisut suleriaasissanut maleruagassiornissamut pisussaaffilerneqarput. Suleriaasissami ilaatigut ataatsimiigiaqqusisarnissamut, imaqarniliortarnissamut aammalu Neqerooruteqartitsisarnermut Maalaaruteqartarfimmit tunuarnissamut maleruagassanik aalajangersaasoqarpoq.

Aamma aalajangersakkami Neqerooruteqartitsisarnermut Maalaaruteqartarfiup sulinerani aalajangersakkanik tamanut atuuttunik Naalackersuisut aalajangersaasinnaannaannut tunngavissiisoqarpoq.

Suliassat suut Neqerooruteqartitsisarnermut Maalaaruteqartarfimmi suliarineqarsinnaanersut pillugu Naalackersuisut maleruagassiornissaassapput. Assersuutigalugu Neqerooruteqartitsisarnermut Maalaaruteqartarfimmi aamma siunnersuinermi suliassat isumagineqarsinnaannaannut Naalackersuisut maleruagassiornissaassapput, taakkunungalu misissueqqissaarnerusinnaasunut inassuteqaateqartarneq paasiniaasarnerlu, kiisalu inatsisinut allannguutaasinnaasunut inassuteqartarneq ilaapput.

Piginnaatitsissuteqarnerup kingunerisaanik Naalackersuisut ukiumoortumik nalunaarutip ilusissaanut imasaanullu maleruagassiornissaassapput. Assersuutigalugu nalunaarummi makku saqqummiunneqartussaanerannut maleruagassiortoqarsinnaavoq:

- suliassat suut Neqerooruteqartitsisarnermut Maalaaruteqartarfimmut saqqummiunneqarsimaneerintut nassuiaatit,

- Neqerooruteqartitsisarnermut Maalaaruteqartarfiup sulianut maalaaruteqartarfimmut saqqummiunneqarsimasunut tunngatillugu misilittagai, inassuteqaatillu tassannga allannguisinnaanermmut illassusiinnaanermullu tunngaviliisinnaasut, kiisalu

- Neqerooruteqartitsisarnermut Maalaaruteqartarfimmi aalajangiinerit tunngavigalugit inerniinerit inassuteqaatillu.

Taaneqartut suliassanut tamanut matussusiinngillat.

Pisariaqartinneqartoq paasineqarpat Naalackersuisut missingersuutitut naatsorsuutinullu tunngatillugu maleruagassanik aalajangersaasinnaapput.

Neqerooruteqartitsisarnermut Maalaaruteqartarfik pingaartumik sulianik sanaartornermi teknikkikkut pisariusunik annertuunik suliaqartussatut pilersinneqarsimavoq. Taamaattumillu pissusilersornissamut aalajangersakkamik ilanngussisoqarpoq, taannalu tunngavigalugu suliassanik Neqerooruteqartitsisarnermut Maalaaruteqartarfimmut tunniussinissamut akitsuutit, sanaartugassap akiata 1 procentianik annertussusilerneqartumik, taamaattorli annerpaamik 100.000 koruuniusussanik atuutsitsisoqalersinnaavoq.

Tassunga assersuutitut oqaatigineqarsinnaavoq, sanaartugassaq 1.000.000 koruuninik akeqarpat akitsuut 10.000 koruuniussaaq. Kisianni sanaartugassaq 5.000.000 koruuninik akeqarpat, akitsuut 50.000 koruuniussaaq.

Sanaartugassaq 15.000.000 koruuninik akeqarpat akitsuut 150.000 koruuniussaaq. 150.000 koruunilli taakku akitsuutit amerlanerpaaffissaat 100.000 koruuniusoq sinnersimamatigit, akitsuut 100.000 koruuninut aalajangerneqassaaq.

Neqerooruteqartitsisarnermut Maalaaruteqartarfiup suliassanik soqutaanngitsunik suliaqartar-nissaata siunertarineqannginnera tamatumunnga tunngavigineqarpoq. Taamatuttaaq maalaaru-teqartoq suliami tamakkiisumik ilaannaasumilluunniit taparserneqarpat, imaluunniit suliaq Neqerooruteqartitsisarnermut Maalaaruteqartarfimmi sularineqartussatut naleqqutinngippat akitsuutip utertinneqarnissaata Naalakkersuisunit aalajangerneqarsinnaaneranut tunngaviliiso-qarpoq.

Maalaarutit maalaaruteqartarfimmit aalajangiiffigineqarsimasut tamatigut eqqartuussivinnut ingerlateqqinneqarsinnaasassapput.

Imm. 4

Suliamik Neqerooruteqartitsisarnermut Maalaaruteqartarfimmi suliaqarnissamut killissariti-tassamik atuutsitsisoqalerpoq. Taassuma atuutilerneratigut suliassat sananeqarnerminni 100.000 koruunit inorlugit nalillit Neqerooruteqartitsisarnermut Maalaaruteqartarfimmi sularineqartassanngillat.

Neqerooruteqartitsisarnermut Maalaaruteqartarfimmi suliati amerlassutsimikkut killilerneqar-nissaat anguniarlugu, aammalu Maalaaruteqartarfik suliarnik annikinnerusunik, Maalaarute-qartarfiup suliaanut artukkiisunik suliaqarani, sanaartugassanut teknikkikkut pisariunerusunut tunngasunik suliaqartartussaammat ammut killiliisoqarpoq.

§ 28-mut

Imm. 1

Aalajangersakkami kikkut Neqerooruteqartitsisarnermut Maalaaruteqartarfimmut maalaaruti-nik tunniussisinnaanersut aalajangersarneqarpoq.

Maalaaruteqartoq sukkulluunniit inatsisitigut soqutigisaqartussaaq. Taamaalilluni suliffeqar-fiit unioqquutitsisoqartillugu taarsiiffigineqarsinnaatitaasutut isigineqarsinnaasut maalaarute-qarnissamut pisinnaatitaaffeqarput. Taassuma atuunneratigut qinnuteqartut neqerooruteqartul-lu saneqqutaarneqartutut misigisimasut tamarmik maalaaruteqarsinnaatitaapput.

Maalaaruteqarsinnaatitaanerli matuma siuliani allassimasunut killilerneqanngilaq. Maleruag-assat uniorlugit neqerooruteqartitsisoqarsimannginnera imaluunniit sulariumannittussarsiuus-sisoqarsimannginnera maalaaruteqarnermut tunngaviusutut eqqarsaatigineqarsinnaavoq. Ta-manna tunngaviusimappat qinnuteqartoqarsinnaasimassanngilaq neqerooruteqartoqarsinnaa-simassananilu. Kiisalu neqerooruteqartitsisoqarsimagaluarluni neqerooruteqartitsinermi male-ruagassanik uniuisoqarsimasinnaanera eqqarsaatigineqarsinnaavoq. Taamatut pisoqarsimap-pat maleruagassat malinneqarsimasuuppata maalaaruteqartup qinnuteqarsimasinnaagaluar-nini imaluunniit neqerooruteqarsimasinnaagaluar-nini oqaatigisinnaavaa. Suliffeqarfiit taamaattut taarsiiffigineqarnissamik piumasaqarsinnaagaluarlutik maalaaruteqarsinnaatitaapput, inatsisi-tigut soqutigisaat neqerooruteqartitsisarnermut maleruagassat malinneqarnerisigut qulakkeer-neqartussaammata.

Tassalu suliffeqarfik sunaluunniit neqerooruteqartitsinermi sulariumannittussarsiuussinermi-luunniit maleruagassat malillugit ingerlanneqarsimagaluarpat qinnuteqarsimasinnaagaluartoq neqerooruteqarsinnaasimagaluartorluunniit, imaluunniit pilersuisuusinnaagaluartoq maalaaru-teqarnissamut pisinnaatitaaffeqarpoq. Maalaarut suliassamik tunniussinissamut aalajanger-nermut tunngasuusimappat, neqerooruteqartoq kisimi maalaaruteqarsinnaatitaavoq.

Qanorluunniit pisoqassagalarpat inatsisitigut pisariaqartinneqartunik soqutigisaqarnermi maalaaruteqartup neqerooruteqartitsinermit maleruagassanik unioqutitsivigineqarnini suaarutigissavaa, tassungalu inatsisip matuma maalaarummut tunngavigineqarnissaa ilaavoq.

Neqerooruteqartup nammineerluni neqerooruteqartitsisarnermi piumasaqaatinik malinnissimanissaa, neqerooruteqartup maalaaruteqarsinnaaneranut isumaqanngilaq.

Kiisalu Unammilleqatigiinnermut Ataatsimiititaliaq inatsisitigut maalaaruteqarnissamut tunngavissaqarpoq, kiisalu kattuffiit pisortanilu oqartussaasut Naalakkersuisunit maalaaruteqarsinnaatitaallutik. Taakku tassaasinnaapput sulisitsisut peqatigiiffii, Teknikkikkut siunnersuisartut peqatigiiffiat, KANUKOKA aamma Namminersornerullutik Oqartussani naalakkersuisoqarfiit, neqerooruteqartitsisarnermik suliariumannittussarsiuussisarnermillu suliaqartut. Maalaaruteqartarfimmi nakkutilliissutit paasiuminarnerunissaat tamatumani siunertarinqarpoq.

Imm. 2.

Maalaaruteqartarfiup inuk alla imaluunniit pisortani oqartussaasoq, suliamut annertuumik pingaaruteqartoq, suliakkiisumut maalaarutigineqartumut iluaqutaasinnaasoq suliami suleqataanissaanut akuerisinnaavaa.

Inuup allap imaluunniit isortani oqartussaasup, suliamut annertuumik pingaaruteqartup, suliami suliakkiisumut iluaqutaasinnaaguni suleqataatinneqarsinnaavoq. Suliaq pineqartoq inummut allamut imaluunniit pisortani oqartussaasumut annertuumik pingaaruteqartinneqarnersoq tassani apeqqutaassaaq.

Pisortani oqartussaasunut tunngatillugu assersuutigalugu aalajangiineq siunissami suliakkiisup aamma pisortani oqartussaasut akornanni neqeroorutaasartussanut sunniuteqartussaaitillugu suliaq annertuumik pingaaruteqartussaavoq. Tamatumani suliakkiisup neqeroorutaasa allat sunnerneqarsinnaanissaat eqqarsaatigineqarpoq.

Sanaartugassat suliarineqarnissaanut imaluunniit pilersaarusiornertalimmik suliarineqarnissaanut neqeroorutit pineqartorpiaap saniatigut allanut sunniuteqarsinnaanerit, taamaattumilu suliami suliakkiisumut maalaarutigineqartumut iluaqutaasumik suleqataasinnaanerit tamatumani tunngavigineqarpoq.

Imm. 3

Maalaaruteqartup inatsimmi matumani maleruagassanillu taanna naapertorlugu suliarineqartuni aalajangersakkanik unioqutitsisoqarsimaneranik isumaqarnini, aamma maalaarutip Neqerooruteqartitsisarnermut Maalaaruteqartarfimmut tunniunneqarsimanagera pillugu maalaaruteqartup suliakkiisumut allakkatigut nalunaarutigissavaa. Maalaaruteqartup kingusinnerpaa-mik maalaarutip Neqerooruteqartitsisarnermut Maalaaruteqartarfimmut tunniunneqarnerani suliakkiisoq tamanna pillugu ilisimatissavaa, suliakkiisoq taamaalilluni maalaarutip Neqerooruteqartitsisarnermut Maalaaruteqartarfimmi suliarineqarnissaanut piareersarnissaminik periarfissinneqassalluni.

Maalaaruteqartup maalaarutip tunniunneqarnera pillugu suliakkiisumut ilisimatitsissuteqarnera nalunaarutip assilineratorlugu pisinnaavoq. Nalunaarutip assilineranik tunniussisoqanngippat, allatulluunniit iliorluni maalaarutip tunniunneqarnera pillugu suliakkiisoq ilisimatineqanngippat, Neqerooruteqartitsisarnermut Maalaaruteqartarfik tamatuma iluarsineqarnissaanut piffissamik aalajangiisnaavoq.

Imm. 1

Neqerooruteqartitsisarnermut Maalaaruteqartarfiup piginnaatitaaffii, taamaalillunilu aalajangiinerit sumut tunngasinnaaneri imm. 1-imi allassimapput.

Neqerooruteqartitsisarnermut Maalaaruteqartarfiup neqerooruteqartitsinermut maleruagassanik unioqqutitsisoqarsimanagera pillugu aalajangiisinaanermi saniatigut imaattunik periarfissaqarpoq:

- 1) Itigartitsineq.
- 2) Suliamut aalajangiineq.

Neqerooruteqartitsisarnermut Maalaaruteqartarfiup maalaarummik tigusernermini maalaarut suliarineqassanersoq, imaluunniit Neqerooruteqartitsisarnermut Maalaaruteqartarfiup piginnaatitaaffiinut ilaanginnera, maalaarutilluunniit maalaaruteqarsinnaatitaanngitsumit tunniunneqarsimanagera pissutigalugu itigartitsisoqassanersoq aalajangiiffigissavaa.

Nr. 1-imut

Neqerooruteqartitsisarnermut Maalaaruteqartarfiup maalaarummik, Neqerooruteqartitsisarnermut Maalaaruteqartarfiup aalajangiiffigissallugu piginnaatitaaffiginngisaminik imaluunniit maalaarummik maalaaruteqarsinnaatitaanngitsumit tunniunneqarsimasumik tigusernermini suliarinissaa itigartissavaa.

Nr. 2-mut

Maalaarut pissusiviusut tunngavigalugit suliarineqarsinnaasoq isumaqartoqarpat, suliaq Neqerooruteqartitsisarnermut Maalaaruteqartarfiup suliarissavaa. Maalaaruteqartarfiup maalaarut suliakkiisumut maalaarutigineqartumut saqqummiutissavaa, taassumalu suliami pissusiviusut inatsisitigullu tunngavigineqartut nassuiaasiussavai, kiisalu suliami uppersaatit nassiutisallugit.

Imm. 2

Maalaarutip atuuttussamik sunniuteqannginnissaa tunngavigineqartarpoq. Atuuttussamik sunniuteqarnerup oqaatigineqarnerani, maalaarutip Neqerooruteqartitsisarnermut Maalaaruteqartarfimmut tunniunneqarnerani neqerooruteqartitsinerup ingerlanerani, imaluunniit isumaqatigiisummik atsiorneqarnissaanik suliap aalajangiiffigineqarnissaata tungaanut kinguartitsinissaq eqqarsaatigineqarpoq. Tassalu maalaarut Neqerooruteqartitsisarnermut Maalaaruteqartarfimmut tunniunneqartoq neqerooruteqartitsinerup ingerlanerani kinguartitsissutaasinnaangilaq.

Maalaaruteqartup piunasaqarneratigut aammalu nalilersuilluarneq tunngavigalugu maalaarutip kinguneqartinneqarnissaata atuuttussanngortinneqarnissaanik Neqerooruteqartitsisarnermut Maalaaruteqartarfik aalajangiisinaavoq, taamaalillunilu suliakkiisup neqerooruteqartitsinini unitsittariaqassavaa, imaluunniit isumaqatigiisummik atsiorsinnaajunnaassalluni.

Aalajangiinerup atuuttussanngortinneqarnerani maalaartoq "aaqqinneqarsinnaanngitsumik akornuserneqarpat", maleruagassat nalinginnaasut malillugit maalaarut atuuttussanngortinneqarsinnaavoq. Tassalu maalaarutip atuuttussanngortinneqannginnissaanut maleruagassat nalinginnaasut saneqqunneqassappata, pisut immikkut ittut pisimasussaapput, kisiannili suliamiit suliamut immikkut naliliisoqartartussaavoq. Pisussanut allattukkanik suliaqartoqarsinnaangilaq.

Atuuttussamik sunniuteqartussamik aalajangiisoqarsimatillugu, maalaaruteqartarfiup aalajangiinera kingusinnerusukkut taamaassoriinnakkatut atuutsinneqassanngilaq.

Imm. 3

Unioqquitsineq annasaqarnermik kinguneqarsimappat, inatsimmik unioqquitsineq taarsisussanngortitsineramik kinguneqarsinnaavoq. Kiisalu akisussaatinneqartup iliuserisaata annaasallu akornanni akisussaasuunermi tunngavissatut pissutaasullu ataqatigiinnissaannut piumasaaqatit naammassineqarsimappata aatsaat taarsisussanngortitsisoqarsinnaavoq.

Taarsisussanngortitsinermut maalaaruteqartup Neqerooruteqartitsisarnermut Maalaaruteqartarfimmut maalaarummini tamakkiisumik ilaannaasumilluunniit taperserineqarsimanissaa piumasaaqatigineqarpoq. Tassalu taarseeqqusinissaannaq tamatumani naammangilaq. Aammattaaq neqerooruteqartitsisup maalaarutigineqartup neqerooruteqartitsisarnermut maleruagassanik unioqquitsisimanerata saqqummiunneqarsimanissaa pisariaqarpoq.

Maalaaruteqartarfiup suliakkiisoq/neqerooruteqartitsisoq taarsisussanngortinneqassanersoq taamaallaat aalajangiiffiginnaavaa. Tassalu Maalaaruteqartarfik namminersortoq taarsisussanngortinneqassanersoq aalajangiisinnaanngilaq.

Neqerooruteqartoq qaangiinnarneqartoq isumaqatigiisummik sumiginnaasimaneq tunngavigalugu sassartutut inissinneqarnissaminik piumasaaqarsinnaavoq. Suliariumannittussarsiuussinermut neqerooruteqartitsinernullu atatillugu taarsisussanngortitsinissamut apeqqut, neqerooruteqartitsisarnermut maleruagassanut uniuiffiusoq amerlanertigut isertitassanut annaasanut tunngasuusarpoq.

Isertitassanut annaasanut taarsisussanngortitsinermi taarsiiffigineqarsinnaatitaasoq suliassamik tunineqarsimasutut inissinneqassaaq. Taamatut pisoqartillugu isertitassat pissarsiarineqassappata, neqerooruteqarnermut aningaasartuutit, aningaasartuutit isumaqatigiissusiornermi akigititaasut aqqutigalugit akilerneqartussanut ilaatillugit akilerneqartussaapput.

Isertitassanut annaasanut matussutissatut taarseeqqusissutit neqerooruteqartumit ataasiinnarmit saqqummiunneqartussaapput.

Naammassinninnissamut soqutigisat angusaqarfiusinnaasut naapertorlugit taarsiisoqassappat, maleruagassanik unioqquitsineq annasaqarnermik kinguneqarsimasussaavoq. Tassalu neqerooruteqartoq, naleqqutinngitsumik neqerooruteqarnermi kingunerisaanik sukkulluunniit isumaqatigiissusiorfigineqarnissamik angusaqarsinnaasimanngitsoq suliakkiisummik tunineqarnissamut naatsorsuutigisaqartutut imminut nittarsaassinnaanngilaq, taamaattumillu taarsiiffigineqarnissaq pisinnaatitaaffiginnaanagu.

Neqerooruteqartup pineqartup inatsit manna taannalu tunngavigalugu maleruagassiarineqartut naapertorlugit neqerooruteqartitsinermut maleruagassat unioqquatinneqarsimanngitsuuppata isumaqatigiissusiorfissaasimagaluarnera pingaaruteqartinneqassaaq. Tamanna pisimappat neqerooruteqartoq isertitassatut annaasani taarseeqqusinnaassavai, tamanna pissutaasunut attavissaammat pisariaqartoq. Aammattaaq neqerooruteqartoq isumaqatigiisummik pissarsinissamut inatsisitigut piumasaaqarsinnaanngikkaluarpuunniit tamanna pissaaq.

§ 31-mut

Imm. 1

Neqerooruteqartitsisarnermut Maalaaruteqartarfiup aalajangigaasa allaffissornikkut oqartussaasunut allanut ingerlateqqinneqarsinnaannginnerat aalajangersakkami erseqqissarneqarpoq. Kisiannili Neqerooruteqartitsisarnermut Maalaaruteqartarfik eqqartuussiviunngimmat, Neqerooruteqartitsisarnermut Maalaaruteqartarfiup aalajangigai inatsisini tunngaviusuni § 63 naapertorlugu eqqartuussivinnut tamatigut ingerlateqqinneqartarsinnaapput, taamaattorli imm. 2 takuuk.

Imm. 2-mut

Imm. 2 naapertorlugu suliamik eqqartuussivimmuut ingerlatitseqqinnissaq aalajangiinerup pineqartumut nalunaarutigineqarnerata kingorna kingusinnerpaamik sapaatit akunnerisa arfineq pingasut qaangiunnerini pissaaq. Illuatungeriit aalajangiineq tunngavigalugu suliamik ingerlatsisinaanissaat, aammalu akerliliissuteqarnissap piffissami sivisuallaami annaasaqarnermik kinguneqartumik utaqqineqarnissaata pinngitsoorneqarnissaa tamatumani tunngaviuvoq.

Aamma taassuma atuunneratigut Neqerooruteqartitsisarnermut Maalaaruteqartarfiup aalajangiinera, aalajangiinerup illuatungiliuttumut pineqartumut nalunaarutigineqarneraniit kingusinnerpaamik sapaatit akunnerisa arfineq pingasut qaangiunnerini akerlilernerqarsimangippat, Neqerooruteqartitsisarnermut Maalaaruteqartarfiup aalajangenera inaarutaasumik atuuttusannagortinneqassaaq.

§ 32-mut

Aalajangersakkami piaaraluni imaluunniit mianersuaalliorujussuarluni paasissutissanik eqqunngitsunik paatsoortitsisinnaasunillu tunniussisup, imaluunniit paasissutissanik pingaaruteqartunik nipangiussisup, imaluunniit Neqerooruteqartitsisarnermut Maalaaruteqartarfiup § 29, imm. 1 aamma 2 naapertorlugit inerteqqutaanik peqqussutaanilluunniit naammassinninngitsoortup akiliisussannagortinneqarluni pineqaatissinneqarsinnaanera periarfissinneqarpoq.

Imm. 2.

Unioqqutitsisoq suliffeqarfiuppat tamakkiisumik ilaannaasumilluunniit naalagaaffimmit, Namminersornerullutik Oqartussanit, kommunimit imaluunniit kommunit suleqatigiiffiannit kommunalbestyrelsit nunaqarfinnilu siulersuisut pillugit Inatsisartut inatsisaanni § 64-imi ilaatinneqartumit, aktiaatileqatigiiffimmit, anpartsselskabimit, piginneqatigiiffimmit assigisaanilluunniit pigineqartoq, suliffeqarfik il.il. akisussaaffimmik taamaattumik tunineqarsinnaavoq. Unioqqutitsineq Namminersornerullutik Oqartussanit, kommunimit kommunit imaluunniit kommunit suleqatigiiffiannit kommunalbestyrelsit nunaqarfinnilu siulersuisut il.il. pillugit Inatsisartut inatsisaanni § 64-imi ilaatinneqartumit piliarineqarpat aamma taamatut pisoqassaaq. Taamaalilluni aalajangersakkap atuutilerneratigut akiliisussannagortitsinermik pineqaatissiisoqarsinnaalissaaq.

§ 33-mut

Aalajangersakkap atuutilerneratigut § 27, imm. 2 naapertorlugu paasissutissanik Neqerooruteqartitsisarnermut Maalaaruteqartarfiup paasissutissanik tunniussinngitsoortoqartillugu, Neqerooruteqartitsisarnermut Maalaaruteqartarfik pinngitsaaliissutitut ullormoortumik akiligassannagortitsisinnaavoq, taakkulu qularnaveequsiititsinikkut akilersinneqarsinnaapput.

Paasissutissat piumaneqartut tunniunneqartarnissaat aalajangersakkakut qulakkeerneqassaaq. Akiligassanngortitsisarneq § 27, imm. 2-p naammassineqartarnissaanut kaammattuutaassaaq, aammalu aningaasatigut piunnaasaatit naammassineqartarnissaat qulakkeerniarlugu qularna-veequsiititsinikkut akilersinneqarsinnaassallutik.

Aalajangersagaq pingaartumik Neqerooruteqartitsisarnermut Maalaaruteqartarfiup paasissutissanik suliame pingaartumik suliakkiisumit paasissutissinneqarnissamut periarfissaqarnerani isumaqartartussaavoq.

Ullormoortumik akiligassiisarnissamut piginnaatitaaffik Neqerooruteqartitsisarnermut Maalaaruteqartarfimmut suliakkiissutigineqarpoq.

§ 34-mut

Piginnaatitsissuteqarnermi illuliornermi kalaallit sanasutut sulisut ilinniartitaanerisa siuarsarneqarnissaa pingaarnertut siunertarineqarpoq. Sanaartugassanut neqerooruteqartitsisarneq pillugu Namminersornerullutik Oqartussat nalunaarutaanni nr. 15-imi, 5. juli 2007-imeersumi (neqerooruteqartitsisarnermut nalunaarummi) maleruagassat atuuttut, suliariumannittussarsiuussisarnermut inatsit tunngavigalugu aalajangersarneqarsimasut, inatsillu manna aqputigalugu atorunnaarsinneqartussat allaffissornikkut aalajangersakkatut ingerlateqqinneqarnissaat siunertarineqarpoq.

Ilinniartut pillugit aalajangersakkat neqerooruteqartitsisarnermut nalunaarummi pigiinnarneqassapput ingerlateqqinneqassallutillu. Tassa tamanna pillugu allaffissornikkut aalajangersakkanik nutaanik maleruagassiornissap tungaanut.

§ 35-mut

Inatsit kingumoortumik atuutissanngilaq, taamaallaat suliassanut 1. maj 2009-p kingorna neqerooruteqartitsivigineqartunut atuutissalluni.

Piffissaq atortuulersitsivissaq piffissamut neqerooruteqarfiusussamut attumatinneqarmat, neqerooruteqartitsinissamut allagarsiuusaaq 1. januar 2009 sioqqullugu naqinneqartussanngortinneqarsimappat, imaluunniit neqerooruteqartitsiniarluni (neqerooruteqarnissamut kajumissaarutitut) allakkiaq nassiuunneqarsimappat inatsit atorneqassanngilaq. Tassalu suliariumannittussarsiuussineq imaluunniit suliartinniakkat ilisimatereerlugit neqerooruteqartitsineq ullup atortuulersitsiviusup kingorna pigaluarvalluunniit tamanna isumaqanngilaq.

Neqeroorut tunniunneqartoq tunngavigalugu piffissap qanoq ilinerani isumaqatigiissusiormanissamut piffissamik inatsimmi aalajangersaasoqanngilaq. Pissutsit naapertorlugit piffissaq taanna sivisusinnaavoq. Neqerooruteqartitsinerup unitsinneqannginnissaa, kisiannili ingerlaavartumik isumaqatiginninniartoqarnissaa eqqarsaatigalugu, inatsisip atuutlernissaa sioqqullugu neqerooruteqartitsineq tunngavigalugu isumaqatigiissusiornierit unioqqutitsinerunngitsumik inatsisip atuutlernerata kingorna naammassineqarsinnaapput. Siusinnerusukkut maleruagassat atuuttut naapertorlugit neqerooruteqartitsineq unitsinneqarpat, 1. januar 2009-p kingorna isumaqatigiissusiornissanut atatillugu inatsimmi maleruagassat naapertorlugit nutaamik neqerooruteqartitsinissaq pisariaqarsinnaavoq.

Imm. 2

Suliassaqarfimmi inatsisip atuuttuusimasup atorunnaarsinneqarnera aalajangersakkami aalajangersarneqarpoq.

Imm. 3

Sanaartugassanut neqerooruteqartitsisarneq pillugu nalunaarutip nr. 15-ip, 5. juli 2007-imeersup atorunnaarsinneqarnera aalajangersakkami erseqqissarneqarpoq, tassanili § 1 aamma § 12 kisimik pineqanngillat. Aalajangersagaq ilinniartoqartarnermut isumaqarpoq, taamaattumillu Inatsisartut inatsisaat manna naapertorlugu maleruagassanik allanik taarserneqarnissamik atorunnaarsinneqarnissamilluunniit tungaannut atuutissapput.

§ 36-mut

Inatsit Pituffimmi sakkutooqarfimmut (Thule Air Base) atuutinngilaq. Suliassaqarfik taanna illersornissamut isumaqatigiissummut, Danmarkimi naalakkersuisut aamma Amerikami naalagaaffiit peqatigiit naalakkersuisuisa akornanni isumaqatigiisutaasimasumut ilaavoq.